


體仁彙編

六

庫文閣内			
三	一		漢
函	二六二		書
一	五九		
架	冊	號	類

内閣文庫			
番號	漢	12629	
冊數		5	(5)
函號	301	24	



醫方要方目錄卷之六

傷寒 外感內傷房勞六經人形

傷風 傷食七方 傷暑 四方

濕 一方 痢疾 二方


癰亂 二方 鬱 一方

泄瀉 二方灸法 瘧疾 一方襌法二條

痿 二方 怔忡 驚悸健忘六方

積聚 傷食四方 痞滿 一方

黃疸 五方灸法 三消 二方



六卷 醫方要方目錄

腫脹 二方

痼冷 一方

秘結 二方

淋閉 小便不通 七方

關格 無方

理脾却瘴 七方

便濁 二方

遺精 七方

膈噎翻胃 六方

瘡瘍 二方灸法 三圖

癘風 五方

痔 五方洗法 便毒 瘡膏 五方

乳硬 瘦氣 項痛 四方

結核 瘡膏 灸法 七方

諸虫 三方

癬瘡 楊梅瘡 疔瘡 臙瘡 疥瘡 膏方 十方

貧窮 十方

蠟丸 五方

瘡氣解 三十一條

解蠱毒說 八條 二十

詳諸毒并救急嘗驗易方 八十方

陰騭論 三方 三九

試效要方卷之六

廬陵彭用光編

○傷寒

附內感房勞傷寒六經人形圖夾食傷寒四十六方

詳按丹溪曰外感無內傷者用仲景法傷寒挾內傷者十居八九經曰邪之所湊其氣必虛補中益氣湯從六經所見之證加減用之氣虛甚者少加附子以行參芪之功○補中益氣加減法如見太陽證頭項痛腰脊強加羌活藁本桂枝陽明身熱目疼而鼻乾不得卧加葛根倍升麻少陽胞脇痛而耳聾加黃芩

半夏川芎倍柴胡太陰腹滿而噎乾加枳實厚朴少
陰口燥舌乾而渴加生甘草桔梗厥陰煩滿而囊縮
加川芎變證發癩加乾葛玄參倍升麻

東垣謂內傷者極多外傷者間而有之此發前人未
發欲辯內外傷之證詳觀此辯法外感之脈左手入
迎脈浮而緊於右之三部手背熱而口知味此為外
感之病也內傷之脈右手氣口脈大於左二三倍而
洪盛手心熱而口不知味此內傷之病也若外感挾
內傷則左右脈俱盛手心與手背皆熱以此辯之如

黑白之易見奈時醫之未曉故詳註于此以示後學

傷寒六經傳變圖附

用光詳考傷寒六經為病陰陽虛實或冷或熱者無
非客邪之所為也內經言人傷於寒者則為病熱者
言常而不言變也仲景謂或寒或熱而不一者備常
與變而弗遺也蓋陽邪傳者常也陰邪傳者變也且
夫陽邪以日發熱七八日不解此表證在當發其汗
又少陰病得之二三日口燥咽乾者急下之宜大承
氣湯主之此皆不以日數而言也守真曰誰敢二三

日便以大承氣下之。蓋聖人書不盡言，言不盡意，說其大槩爾。蓋太陽為諸經之首，傳變居多，且熱邪乘虛之經則傳也。若經實則不受邪而不傳也。且夫太陽水傳陽明土，乃妻傳夫，謂之微邪。陽明土傳少陽木，亦曰妻傳夫，乃微邪也。少陽木傳太陰土，乃夫傳妻，謂之賊邪。太陰土傳少陰水，亦曰夫傳妻，乃賊邪也。少陰水傳厥陰木，母傳子，謂之虛邪。太陽水間傳少陽木，乃母傳子，亦曰虛邪也。太陽水越經而傳太陰土，謂之微邪。又曰：誤下傳也。太陽水傳少陰水，此

乃陰陽雙傳，即兩感。太陽水傳厥陰木，乃母傳子，謂之虛邪。又曰：首尾傳也。夫傷寒傳至厥陰，肝經為尾，蓋厥者盡也。正氣將復而邪氣將解，水升火降，寒熱作而大汗解也。若正氣不復，邪無從解，陰氣勝極則四肢厥冷，舌卷耳聾，囊縮不知人而死矣。趙氏曰：大抵邪在陽經則易治，傳入陰經則危殆。蓋陽微而陰盛，正虛而邪實也。況誤下內陷，汗虛別經，則壞異傾危，可立而待也。凡治傷寒之要，須讀仲景之書，當求立法之意，不然則疑信相雜，未免通此而碍彼也。要

在熟讀詳玩其意其例自見則治法不差矣若不得其例徃徃執論專方而膠柱鼓瑟則治法霄壤矣許氏曰讀仲景書用仲景法未嘗守仲景方所謂得仲景心也蓋讀之者可不於片言隻字以求其意歟幸與陶節菴瑣言兼用庶合時令云此正冬寒正病論治用麻黃桂枝湯餘三時宜羗活冲和湯

○治法曰一日二日可以發表而散三日四日可以和解而痊五日六日便實方可議下七日八日不愈又復再傳日傳二經名為兩感經傳六日應而難痊

傷寒正病醫法

○太陽頭疼身熱脊強

○陽明日疼鼻乾不眠

○少陽耳聾脇痛寒熱嘔而口為之苦

○太陰腹滿自利尺寸脈津不到咽

○少陰則舌乾口燥

○厥陰則煩滿囊縮

彭用光曰傷寒次序傳變六經論已明於前復繪六經圖凡治得此圖對圖辨症用藥庶無誤醫宜用心决保萬全

足太陽膀胱經圖為諸陽之首故多傳變受病為先也其脉起於目內眥從頭下後項連風府行身之背終於足也其證頭疼項強腰疼骨節痛也經曰太陽頭痛脉浮項背強而惡寒若發熱汗出惡風脉浮緩者為傷風若脉陰陽俱緊頭痛惡寒嘔逆身疼或已發熱或未發熱者名曰傷寒宜發汗不可輒下之表邪乘虛內陷傳變不可勝數又不可利小便利之則引熱入裏其害不淺若本病煩熱小便不利者乃利之則為禁也如小便自利如常則不可利也凡有汗不得再發汗汗多不得利小便有三不可服麻黃無汗不可服桂枝也

足太陽膀胱經圖

第一日



足陽明胃經圖乃兩陽合明於前也一曰府者居中土也萬物所歸也其脉起於鼻頰上頭額絡於目循於面行身之前終於足也經曰傷寒三日陽明脉大又曰尺寸俱長者陽明受病也其證頭額痛目疼鼻乾身熱不得卧乃標病也若本病則身熱汗出而惡熱也本實則潮熱大便不行也在標者當解肌在本者宜平熱本實者可下夫陽明有三一曰太陽陽明大便難者小承氣湯主之二曰正陽陽明胃家實也大承氣湯下之二曰少陽陽明胃中燥熱實不大便者大柴胡湯主下之

足陽明胃經圖

第二日



醫二編卷六

六

足少陽膽經其脉起於目銳眦上頭角絡耳中循脰脇行身之側終於至足也前有陽明後有太陽居二陽之中所以主半表半裏經曰尺寸俱弦者太少陽受病也其證頭痛目眩口苦胞滿耳聾脇痛也或心煩喜嘔或胸中煩悶而不嘔或心下病鞭或寒熱往來或發熱寅申時尤盛或身微熱者皆少陽也凡治有三禁不可發汗不可下不可利小便也只宜和之惟小柴胡湯出入增減用之如神効也凡顛角痛耳中痛耳中烘烘而鳴耳之上下前後腫痛皆少陽所主部分其火為之也若口苦者少陽之膽熱脇下鞭者少陽之結也

足少陽膽經圖

第三日



世豆二書編卷六

足太陰脾經圖脾為中營宮之坤土也其脉始於足大指上行
 至腹絡於嗑連舌本行身之前也若寒邪卒中直入本經者一
 時便發腹痛或吐或利也宜温之如四日而發腹滿嗑乾者此
 傳經之邪也宜和之若太陽病下之早因尔腹痛者此誤下之
 而傳也凡治太陰證自利不渴脉沉細手足冷急温之若脉浮
 者可發汗宜桂枝湯主之若發熱脉數者少陽之邪未解須以
 小柴胡湯主之如自利不渴者藏有寒也宜理中湯寒甚者加
 附子腹滿嘔吐食不下者宜治中湯手足冷脉沉細者宜四逆
 湯若傳經邪熱內陷腹痛者宜桂枝芍藥湯主之

足太陰脾經圖

第四日



足少陰腎經圖為人身之根蒂也其脉始於足心上行貫脊
 循喉絡舌本散舌下注心中行身之前也若因慾事腎虛者
 寒邪直中之也其證一二日便發故發熱脉沉足冷或惡寒
 倦卧也宜溫經而散寒也若五六日而發口燥舌乾者此傳
 經之熱邪宜急下之恐腎水乾也如其脉沉細足冷者又不
 可下急溫之脉沉疾有力者乃可下之凡少陰飲水而小便
 色白者下虛有寒引水自救非熱宜溫之蓋少陰傷寒多因
 勞傷腎經之所致有緊有慢其害甚速宜溫之不可以寒涼
 之藥妄投之也但脉沉足冷雖發熱者宜溫腎以扶元氣

足少陰腎經圖

第五日



足厥陰肝經圖厥者盡也為六經之尾也其脉始於足大指上環陰器抵少腹循脇肋上口唇與督脉會於顛頂行身之前之側也若本經不足寒邪直中之也一日便發吐利少腹痠寒甚者唇青厥冷囊縮急宜溫之并着艾灸丹田氣海以溫之若六七日發煩滿囊拳者此傳經熱邪厥深熱亦深也若脉沉疾有力者宜急下之若脉微細者不可下也凡傷寒傳至厥陰經則病勢極矣然死生在於須臾可不謹察之也哉大抵熱深厥亦深則舌卷囊縮陰寒冷極亦舌卷囊縮也要當仔細而辨其冷熱之治其法微矣

足厥陰肝經圖

第六日



曲直二氣編卷六

用光詳考傷寒六經傳變至六日盡病則已而
安間有專在一經而不再傳亦有一日雙傳為
重者宜辨之古又云傷寒不服藥為中醫病自
安此為醫者之錯悞而言也

傷寒至捷法

發熱惡寒身體痛脉浮無汗怎生醫十神湯與香蘇
散有汗傷風用桂枝。
四五日來口舌乾發熱身疼卧不安先服人參敗毒
散小柴胡湯在後番

七八日來熱在內口渴心煩腹脹彙小便赤少大便
難大柴胡湯好通利

發熱口乾大便洩小便赤少煩燥結小柴胡湯兼五
苓加上黃連真一絕

汗下之後病不解依然執渴如見怪解毒湯兼小柴
胡諸般熱病皆無碍

傷寒有四證相類

食積寒痰并脚氣更兼亦有患勞煩要識四般相類
證不與傷寒一例看

此四證皆發熱惡寒若似傷感表證一同而用藥却異不可混治故詳之

彭用光嘗考傷寒書謂傷寒與他證不同投藥一差死生立判李子建述有傷寒十勸最為明白不可不知人家有病請醫未至或無醫缺藥鄉落之處人能知此十勸則不致誤而所益非輕今謹詳述于后請刊流行家喻戶曉實陰陽也

○一傷寒頭痛及身熱便是陽證不可服熱藥傷寒傳三陰三陽共六經內太陰病頭不痛身不熱少

陰病有反熱而無頭疼厥陰病有頭疼而無發熱故知頭疼身熱即是陽證若妄投熱藥決致死亡
○二傷寒必須直攻毒氣不可補益邪氣在經絡中若隨證早攻之只三四日痊安若妄謂先瀉正氣却行補益使毒氣流熾多致殺人

○三傷寒不思飲食不可服溫脾胃藥且傷寒不思飲食自是常事終無餓死之理如理中丸之類不可輕服若陽病服之致熱氣增重或至不救丁香巴豆之類尤不可服

○四傷寒腹疼亦有熱證不可輕服溫煖藥難經云
疼為實故仲景論腹滿時痛之證有曰疼甚者加
大黃疼甚而加大黃意可見也惟身冷厥逆而腹
疼者方是陰證須消息之每見腹疼便投熱藥多
致殺人

○五傷寒自利當看陰陽證不可例服補藥煖藥止
瀉藥自利惟身不熱手足溫者屬太陰身冷四逆
者屬少陰厥陰其餘身熱下利皆屬陽當隨證依
仲景法治之每見下利便投煖藥及止瀉藥者致

多死亡

○六傷寒胞脇疼及腹脹滿不可妄用艾灸常見村
落間有此證無藥便用艾灸多致毒氣隨火而盛
膨脹發喘以不知胞脇疼自屬少陽腹脹雖屬太
陰仲景以為當下之病此外惟陰證脉微弱可灸
○七傷寒手足厥冷當看陰陽不可例作陰證有陰
厥有陽厥醫者少能分辨陽厥而投熱藥殺人速
於用刃蓋陽病不至極熱不能發厥仲景所謂熱
深厥亦深熱深更與熱藥寧復得生而身熱至三

四日後熱氣已深大便秘小便赤或譫言昏憤及別熱證而發厥必是陽厥宜急用承氣湯以下之若初得病身不熱大便秘自引衣蓋身或下利或小便數不見熱證而厥者即是陰厥方可用四逆湯之類二厥所以使人疑者緣為其脉皆沉然陽厥脉沉而滑數陰厥脉沉而弱又陽厥時復指爪却温或有時發熱陰厥則常冷此為可別

○八傷寒病已在裏即不可用藥發汗然傷寒證須看表裏如發熱惡寒則是在表正宜發汗如不

寒反惡熱即是裏證若一例發汗則所出之汗是邪氣是真氣使邪氣未除而真氣已涸死者必矣又別有半在表半在裏之證及無表裏之證不惟皆不可下亦皆不可汗但隨證治之

○九傷寒飲水為欲愈不可令病人恣飲過度病人大渴當與之水以消熱故仲景以飲水為欲愈人見此說遂令病者縱飲因而為嘔為喘為咳逆為下利為腫為悸為痞為結胞小便下利者多矣且如病人欲飲一碗只可與半碗常令不足為善

○十傷寒病初安不可過飽及勞動或食羊肉行房及食諸肉骨汁并飲酒如病方愈不須再服藥兼脾胃尚弱食飽不能消化病即再來謂之食復病方好氣血尚虛勞動大早病即再來謂之勞復又食羊肉行房並死食諸肉骨汁并飲酒再病必重右傷寒十勸誠可為病家醫家之便益治法也

○傷寒三陽三陰辨證用藥治法
太陽無汗麻黃為最大陰有汗桂枝可先小柴胡為少陽之要領大柴胡行陽明之秘堅至三陰則

難拘定法或可溫而或可下宜數變以曲全生意或可方而或可圓

○傷寒表證分別治法以便病家與醫家四時用

傷寒表證是如何。左手脈浮緊無汗惡寒身熱多頭項

俱疼脈浮取。輕手按之脈浮大而緊施方施劑汗之和冬麻黃湯

十神湯春夏
羌活沖和湯

○傷寒裏證治法宜次第

傷寒裏證心腹疼。邪傳入裏脈重取數洪不惡寒而惡熱蒸

其脈數沉兼自汗二便秘少下之生。輕則大柴胡湯重則三承

氣湯
選用

○陽證

陽證身熱頭疼痛體重咽乾難卧動或有譫語及循衣脉息弦洪宜審用。

脉洪大有力。用十神湯 九味羌活湯 鮮肌湯 大柴胡湯 葛根湯 三承氣湯

次第
選用

○陰證

陰證身涼二便清病初自汗也頭疼也無煩燥也無渴脉息沉微自可明。

脉沉微無力。用五積散 理中湯 四逆湯 三建湯

○陰毒 手指甲青至節 三建湯 此症極危

○灸 關元 氣海 丹田 臍中

○陽證似陰

陽證身涼冷四肢小便赤少大便稀心煩口燥脉沉數白虎湯兼竹葉奇。

脉沉數有力。竹葉石膏湯 柴胡五苓湯 三黃解毒湯

○陰證似陽

陰證如陽面赤紅小便清利大便通渾身微熱沉

遲脉真武湯兼用理中。

脉沉遲弱。

五積散 姜附湯 附子理中湯

○灸 服藥脉不回灸 氣海 神關 丹田

○陽厥

陽厥時時指爪溫心煩便秘口乾論脉未沉細中還疾承氣柴胡最可吞

脉沉而數東垣曰熱深厥亦深前仲景與子建所論而思濟子所考俱同宜用大柴胡或承氣以下胃中燥結黑糞數枚病斯漸安輕用柴苓湯加大黃老人用枳朮導

滯九柴 苓下

○陰厥

陰厥身涼熱不回二便通滑不煩時脉來沉伏知端的三建湯兼四逆宜

脉沉微昏憤

先以星烏乾姜湯 隨用三建湯

○灸 此證倉卒無藥只灸關元氣海丹田効

○血證黃

發黃恰似烟薰色小便自利大便黑唇焦嗽水血家黃桃仁承氣湯堪擇

蓄血發黃

此由脾胃熱甚失於汗失於下以致之抵當湯桃仁承氣湯選用

○濕證黃疸

發黃渾似橘皮明小便不利大便行濕熱相蒸名

曰疸茵陳湯共五苓平

蓄熱陰黃

頭汗出四肢沉重如瘡俱用茵陳湯加五苓兼小柴胡加梔子湯

○發癍 發狂

陽毒發癍是如何梔子大黃黑奴科

此證甚危紅赤易治如黑癍則胃爛難治如陽毒

五日內可治六日七日難治

人參石膏化癍湯玄參升麻石膏湯

大青四物湯

○溫毒

葛根橘皮湯黃連橘皮湯

調胃承氣湯猪膽鷄子湯

○黑奴丸方○治陽毒發癍煩燥大渴倍常時行熱

病六七日未得汗脉洪大或數面赤目脹身痛大

熱煩燥狂言欲走渴甚又五六日以上不解熱在

胸中口噤不能言為壞傷寒醫所不治葉為死人

精魂已竭心下絕暖揆開其口灌下即活此方真

能活人九灌藥下咽即甦省

黃芩

芒硝

麻黃

釜底煤

小麥奴 炷突墨 梁上塵各一兩 大黃一錢

右為末煉蜜為丸如彈子大新汲水化下飲水盡足當發寒寒已汗出乃差若時頃不汗再服一丸須見微利若不大渴不可與此藥

傷寒五臟受病脈證相尅訣

○心臟○心病舌強笑面赤燥煩掌熱口乾譫臍上動氣洪緊數反得沉微命不全

用光曰心病火脈宜洪大今反微水入火宮相尅所謂脈證相反所以命難全

○肝臟○肝家面青目痛閉筋急怒容臍左氣脈當

弦急又兼長浮濇短弓名不治

肝病木脈宜弦長今反短濇金來木位相尅是亦相反所以名不治

○脾臟○脾家不食面皮黃體重肢疼喜卧床動氣

當臍脈緩大弦長而緊是凶殃

脾病土脈宜緩大今反弦長是木到土宮相尅所謂凶殃

○肺臟○肺家面白帶憂愁吐血寒温喘嗽求臍右

氣弓沉細濇大而牢者死劫由

肺病金脈宜細濇今反大而牢是火浮金位所以死而不治

○腎臟○腎家面黑爪甲青口閉足寒泄腹疼臍下

氣于脉沉滑緩而大者死之形

腎病水脉宜沉滑今反大是土入水互相尅而難行活

○傷寒表證

○表麻黃湯○治傷寒表證發汗春分後忌之

麻黃一錢五分桂枝一錢杏仁一錢甘草一錢

右作一貼水煎溫服取汗

○桂枝湯○治傷寒有汗亞寒表證

桂枝二錢芍藥一錢甘草一錢

若作一貼水薑棗煎溫服

○羌活沖和湯○此方易老所製治春夏秋三時傷

寒初起或傷風脉緩有汗惡寒發熱及傷寒發熱

冬月今人亦有用之

羌活 防風 黃芩 白芷 甘草各一錢

川芎七分 生地黃 白木各一錢此古方今

右作一貼水二鍾煎溫服服後汗未止加黃芪一

錢五分白芍藥一錢又不止以小柴胡加芍藥桂

枝各一錢

○九味羌活湯○此方通治四時傷寒大陽解利之

神劑

羌活

蒼朮

各一錢五分

防風

黃芩

白芷

甘草

生地黃

川芎 各一錢

細辛 四分

右作一貼水二鍾煎至一鍾取汗愈如有汗減蒼朮加白朮二錢渴加知母一錢五分石膏二錢若濕土司天加蒼朮一錢半久雨亦加

已上二方俱可代麻黃桂枝二方

○葛根解肌湯

十神湯

香蘇散

人參敗毒散

藿香正氣散

六神通解散

升麻葛根湯 起初

用此方 已上十一方俱治傷寒在表宜選用

○補中益氣湯○此方通治四時勞役房室內傷傷

寒如不謹挾外感宜加減方在內傷傷寒門可查

用仍在醫家脉下消詳

兩感傷寒此症極重表裏雙傳然有治之而生未有不治而能生者也經云不治張仲景亦曰不治此前賢濶論治之亦間得生者惟大羌活湯加減取効

○大羌活湯○治兩感傷寒

羌活 獨活 防風 防已 黃芩 黃連

甘草製蒼朮 白朮去蘆 川芎 生地黃

白芷 知母各一錢

右用水二鍾煎至一鍾去滓將藥澄清帶熱服飲之不解再服四五貼亦可病愈止藥餘證照上次第用藥十中可活三五人

○小柴胡湯○治傷寒半表半裏宜此和解

柴胡二兩 半夏姜製 黃芩 人參

甘草各七錢五分

每服八錢生薑三片棗二枚水一鍾煎服

半表半裏宜和解加減小柴胡法

○如胸中煩而不嘔去半夏人參加瓜蒌仁煩者熱也嘔者氣逆也今煩而不嘔則熱聚而氣不逆邪氣欲漸成實也參甘恐補去之無助熱夏味辛散去之以無逆氣也瓜蒌仁苦寒用之以通鬱熱於胸中

○若渴者去半夏恐燥津液加人參之甘潤瓜蒌根之苦潤相合則津液生而渴已也

○若腹中痛去黃芩加芍藥宜通而寒邪入裏裏氣

不足寒邪壅則腹中痛芩苦寒性堅而寒中去之則中氣易和芍藥味酸而利中加之則裏氣得通而腹痛自愈

○如脇下痞鞭去大棗之甘溫恐令滿加牡蠣之酸鹹則痞消而硬炙矣

○若心下悸小便不利者去黃芩之苦寒使畜水浸行加茯苓之甘淡能滲利則津液流通矣

○若不渴外有微熱去人參因微熱有表邪恐其主內之物也加桂枝取汗發散表邪也

○若欬者去人參大棗生薑加五味子乾薑肺氣逆則欬參棗薑甘溫補中則肺氣愈逆故去之用五味子之酸收斂肺氣乾薑之辛熱以散內之寒氣則欬自止識諸此者小小變通觸類而長焉若加葛根芍藥治少陽陽明合病

○右此一方專為半表半裏而設蓋以既非汗之所宜又非吐下之所當是以立和解散而加減焉

○傷寒入裏○用後方

○裏大柴胡湯○若表證未盡除裏證又急此藥通

表裏而治之法也

柴胡 二兩 黃芩 七錢半 芍藥 三錢 半夏 六錢半

枳實 四錢 大黃 一兩

右作三服每服姜三片棗一枚煎服

○調胃承氣湯○治傷寒不惡寒反惡熱大便秘澀語嘔者不用枳實恐傷上焦虛無之元氣調胃之名此也

甘草 五錢 大黃 一兩 酒浸 芒硝 九分

右剉水一鍾先煎甘草至七分去滓入芒硝再煎

一沸溫服取利近只用五錢作一服

○小承氣湯○治六七日不大便腹脹滿陽明無表證汗後潮熱狂言而喘是上焦痞實受傷故不用芒硝則不傷下焦之血分真陰謂不伐其根也

大黃 一兩 厚朴 五錢 枳實 六箇半

右剉一服水煎溫服取利未利再服

○大承氣湯○治胃實譫語五六日不大便腹痛少陰舌乾口燥病在三焦俱傷痞滿燥實俱全謂之大承氣者此也

大黃 五錢 厚朴 一兩 枳實 五箇 芒硝 五錢

右水二鍾半煎厚朴枳實至一鍾半入大黃煎七分去滓入芒硝煎一二沸溫服以利為度未利再服已上四方為攻裏下藥宜酌用勿妄投恐老弱氣虛者若真邪執毒入裏用之勿疑傷寒陰證

○理中湯○治自利不渴而嘔脈微身冷

人參 甘草 乾姜 白朮 各七錢半 每服七錢水煎溫服

○附子理中湯

前方加附子一枚 童便製過

○四逆湯○治太陰脾經自利不渴身痛手足冷等證可服

甘草 一兩 乾姜 七錢 附子 半箇生用

右剉每服一兩水一盞煎七分溫服

○建中湯○治少陰惡寒手足倦脈微細二三日可服之

桂枝 甘草 各一兩 芍藥 二兩

右剉作三服每加薑二片棗四枚水煎去滓入錫一合微火令洋温服嘔者不用錫

○陽毒○脉大面赤斑斑如錦紋咽痛吐下膿血

○升麻湯主之

升麻 一錢 當歸

甘草 各二分 雄黃 研一分

桂枝 一分 鱉甲 半兩 蜀椒 半分

右咬咀水二升煎一升温服食頃再服手足出汗解未解再服得吐尤佳

○葛根龍胆湯亦治陽毒○玄參升麻石膏湯亦治發

○陰毒○其狀如被杖喉痛嘔逆唇青面黑四肢厥

冷腹痛甘草湯主之

甘草 鱉甲 升麻 當歸 桂枝 各二兩

蜀椒 雄黃 各一分

右作一服水五碗煎取二碗去滓温温每飲一錢食頃再服温被覆當汗吐則愈不吐不汗再服

○硫黃丸○附子飲子亦治陰毒

○百合證○百合病者百脉一宗悉致其病欲飲不能欲行坐不能欲卧不能如寒熱却無寒熱口苦

小便赤脉數用百合知母湯主之

百合十枚

知母一兩半

百合先洗漬一宿當白沫出去其漬水別以清泉水一升半煮百合取一升去滓又別以泉水一升煮知母取半升去滓同百合湯煎至一升待温分作三服

○百合湯洗方○百合病為一月病不解變成渴者以百合湯洗之

用百合二升如前製衣法水一斗煎數沸洗周身慎

風仍食白米湯北方用麩條湯

○瘧病○卧不着席如小兒腰背去席二指大人側掌此病難治瘧病脉弦宜上下行即上吐下利之法瘧病不宜大發汗及針灸宜小小汗

○柔瘧○桂枝加葛根湯○桂枝湯加葛根四兩有汗為柔瘧

○剛瘧○葛根麻黃湯○無汗為剛瘧

○葱熨法○治陰證身靜而重語言無聲氣口鼻氣冰冷且冰漿不入大小便不禁面上惡寒如刀割

先用此法後用四逆湯服之葱一大把以索纏葱白如臂大以刀切去根及青留白白長二寸許以火先炙一面令熱勿至灼火以此熱面着病人臍上及臍下而上面以熨斗盛火熨之令熱氣透入腹中更作三四餅壞則易之俟病人漸甦手足溫有汗乃服四逆湯

秘結○蜜導法○治自汗大便秘結不通且便於老人并日久不能服藥者又恐服硝黃變為別證又有屎已入直腸者以此法或猪膽汁法最便益

用蜜二合於銅器中微火煎之稍凝如飴狀撻之勿令焦欲可丸併手捻作條子如指大長二寸當熱時急作條子冷即硬納谷道中以手急抱欲大便急去之

○猪膽法○治自汗小便利而大便燥硬不可攻宜此法治之便也

取大猪膽一枚和醋少許以竹筒灌入谷道中一時當大便出

○油灌法○倉卒無猪膽與蜜鄉村小民不便只以

真麻油口含以竹筒磨光先入谷道中留一半在
谷道外口含油一盞用力於竹筒內吹入盡少時
大便出極効

○風引湯加附子○治傷寒證口鼻氣絕但心頭溫
面色和六脉動如此不省六七日皆棄為死尸用
此湯灌下即省加三五服方効

寒水石 石膏 赤石脂 白石脂

紫石英 各六分 附子 炮 龍骨 四分 大黃 四分

甘草 三分 牡蠣 炒 二錢 乾姜 四錢 桂枝 三錢

右為粗末每五錢水一盞煎八分去滓溫服

○傷寒表裏證及變證大率以上諸方及醫臨時加
減用

大小青龍湯 大小陷胸湯 防風通聖散

茵陳五苓散 益元散 梔子豆豉湯

瓜蒂散 三黃解毒湯 俱可選用

○瘟疫 衆人病一般

三黃敗毒散 倍加酒大黃與人中黃鼠粘子連
喬山梔之類服之

補用參氏芎歸於人中黃酒大黃兼用

升麻葛根湯

其桔湯

黑奴丸 可選用

○大頭傷寒 有時毒疫發於鼻兩目上面陽明也發耳上下并頭角少陽也若頭上腦後下項大陽也

普濟飲子消毒

柴胡

黃連

黃芩

玄參

甘草

桔梗

連翹

鼠粘子

研升麻

白芷

馬勃

姜蚕

板藍根

如無以青黛五分代之

調入藥

已上各一錢虛弱加人參一錢五分

胃虛少食加白朮陳皮

一方加防風荆芥各一

錢當歸一錢

如大便硬秘少加酒大黃微下之

水二鍾煎至一鍾去滓徐徐食後服之或服藥就

卧使藥性上行也

荆防敗毒散

增損防風通聖散

加牛旁子玄

參犀角

○雷頭風

清震湯主治

升麻

葛根

赤芍藥

生荷葉

甘草

蒼朮

水煎食後徐徐服之

○妊娠婦人傷寒 以四物湯加減法

四物湯 葱白湯 黃芩白朮散 前胡湯

梔子大青湯 柴胡湯 阿膠散 參蘇飲

○妊娠塗臍法 使胎固不落 用竈心土 名伏龍肝

研為末塗婦人臍下用水調塗方四寸如看乾則易換之病差乃止酒調泔清調皆可

○產後傷寒 以補氣血藥無傷寒藥用

五積散 加減 陽旦湯 荊芥散 增減柴胡湯

小柴胡湯 蜀椒湯 竹葉防風湯

均宜加入芎歸參芪

○小兒傷寒 惺惺散 麻黃黃芩散

升麻黃芩湯 連翹飲 人參散 辰砂五苓散

治乳母即治小兒如乳子病必乳母服藥若自五七歲以上不吃乳者宜小兒服然必戒飲食生冷

熟味

○辟瘟法 入瘟疫之家不相傳染法

川芎 蒼朮 白芷 零陵香 藁本 各等分

右為末每一兩入蚌粉四兩和勻常撲身以辟之

○不染瘟方 用光明雄黃細研以筆濃點鼻內兩傍中則疫氣不能入亦辟諸惡怪夢神効

○第一雙解散 防風通聖散 合益元散一名通解散

○防風通聖散

防芎歸芍大麻黃

薄翹芒硝半兩強

苓梗石膏加一兩

滑三草二要相當

荆芥白朮山梔子

二錢半重細消詳

右大黃芒硝麻黃三味對證旋入自利去大黃芒

硝自汗去麻黃

○益元散又名天水散

滑石 一兩 甘草 二錢 為末分三服白湯調下

○五苓散治傷寒發渴小便不利有熱兼小柴胡

湯用之

猪苓一錢 澤瀉一錢 茯苓二錢 肉桂三分 白朮一錢

右咬咀白水煎服

①黃連解毒湯 ②治傷寒燥熱諸藥不能退熱者用

此立効

黃連 黃芩 黃柏 山梔子炒各二錢

水二盞煎至一盞熱服如腹滿嘔吐欲作痢者每服加半夏厚朴茯苓各二錢生薑三片煎服

○傷寒證治總畧歌

發熱憎寒體痛時 脉浮無汗恁生醫

十神五積香蘇散 有汗傷風用桂枝

汗後依然病不除 三朝四日莫調劑

或用參蘇或敗毒 加些涼劑病當舒

病傳入裏腹膨滿 口乾熱盛小柴管

病若仍前執泄多 只用柴苓湯一碗

六日七日病轉熱 前後不通好水啜

或有亂語及循衣 大柴承氣可通別

下後仍前病不休 黃連解毒免人憂

病後虛煩熱未靜 白虎竹葉石膏搜

陽厥還須用大柴 不然承氣也通挨

陰厥四逆并真武 三建加之自忖裁

胞膈停痰氣悶時 可將瓜蒂吐之宜

怔忡水停微有喘 青龍十棗最堪題

陽毒發斑是如何 施子大黃黑奴科

咽喉腫痛還曾治

其桔湯中也要過

膈痰冷氣如何治

理中九子君須記

去血還須抵當湯

噫氣不絕旋覆葷

小便不通五苓宜

猪苓八正皆曰奇

大便不通蜜導法

硝黃服後熨其臍

熱吐五苓半夏加

冷吐四逆茱萸佳

狐惑聲啞人不曉

大黃牡蠣衆皆誇

發黃梔子蘘皮同

退疸茵陳極有功

治蠶桃仁犀角類

大黃其遂解結胞

昏沉多睡萎蕤湯

煩燥無眠酸棗方

少陰自利白通羹

脚氣續命越脾當

柔痊桂枝加乾葛

剛痊麻黃葛根活

陰證似陽四逆宜

陽證如陰白虎奪

食復勞復怎生醫

積實梔子內中追

陽易陰易如何治

燒裊鼠糞湯要知

吐蛔烏梅與理中

風濕黃芪木附通

腹中急痛如何治

桂枝加於大黃中

吐血解毒與三黃

筋惕肉瞤真武湯

肺實喘嗽青龍羹

衄血不止茅花強

往來寒熱成瘟瘧

小柴胡湯還可托

咳逆皆因胃有寒

乳下艾灸羗附單

熱深咳逆成陽逆

大小柴胡自去攀

此是醫家入門法

更宜自己用心參

○瓜蒂散○治傷寒四五日病在胸膈痰氣緊滿於

上不得息者當以此吐之

瓜蒂炒黃一兩

赤小豆一兩

右咬咀每服三錢水一盞半入豉一合同煎至六

分去渣溫服以得快為度亡血體虛不可服

○小青龍湯○治傷寒表證不解心下有水氣乾嘔

發熱咳嗽微喘又治受寒咳嗽喘急

半夏

湯洗二兩半

乾姜

細辛

各一兩

麻黃

二兩

肉桂

一兩

芍藥

甘草

五味子

各二兩

右咬咀每服五錢水一盞半煎至七分食後溫服

○大青龍湯○治傷寒頭痛發熱惡寒無汗煩燥六

脉浮緊

麻黃

三兩

桂枝

兩

甘草

一兩

杏仁

二十箇

大棗 五箇 生姜 十片 石膏 三兩

每服五錢用水一盞半煎至八分溫服取汗為度不可過汗恐亡陽若汗多不止用麩粉撲之或牡礪粉尤效

○甘桔湯○治少陰咽痛

甘草 桔梗 各二錢半

右用水一盞半煎至八分通口服

○酸棗湯○治傷寒吐下後心煩乏氣晝夜不眠

酸棗 炒研 麥門冬 甘草 知母 茯苓

川芎 各一錢 乾姜 五分

右用水一盞煎至七分溫服

○十神湯○治時令不正四時傷感代麻黃桂枝湯

紫蘇 甘草 陳皮 乾葛 香附子 升麻

川芎 各一兩 麻黃 白芷 赤芍藥 各五錢

右吹咀每服五錢水一盞半姜三片煎至七分去

滓熱服不以時候如發熱頭疼加連鬚葱白中滿

氣實加枳殼名和解散取汁 兩廣不用麻黃地熱多汗別者可用

○竹葉石膏湯○治傷寒已經汗下表裏俱虛津液

枯竭心煩發熱氣逆欲吐及諸煩熱並宜服之

人參 甘草 麥門冬 各一錢 半夏 一錢 石膏 三錢

右入青竹葉生姜各五六片煎一半去渣入粳米百餘粒再煎至米熟去米溫服不拘時候熱極發狂加石膏一兩知母二錢

茵陳湯○治陽明裏熱極甚煩渴熱鬱留飲不散以致濕熱相搏而身發黃疸但頭汗出身無汗小便不利渴飲水漿身必發黃宜茵陳湯五苓散利大小便

茵陳 去梗 半兩 大黃 二錢 半 大梔子 五箇

右作一服水二鍾煎至一鍾不拘時候以利為度

○玄參升麻湯○治傷寒失下熱毒在胃發癰甚則

煩燥譫語 加石膏知母

玄參 升麻 甘草 各三錢

右作一服水二鍾煎至一鍾不拘時候

○抵當湯○太陽病六七日表證仍在脈微而沉反不結胸其人發狂熱在下焦小腹硬滿小便自利而狂大便黑色為有血也當下瘀血宜服之

大黃

酒洗一兩

水蛭

十枚炒去子

杵碎用石灰炒紫

黃色去灰只宜多炒半黑為妙

去皮尖

桃仁

七箇

蜜蟲

十箇去

起足炒

右作二服每服水二鍾煎至七分不拘時服

○大陷胸湯○傷寒大陽表證未解醫反下之結胸

熱實心下痛按之石硬脉沉而緊者

大黃七錢

芒硝三錢

右作一服水二鍾先煎大黃至一鍾去渣下硝再煎一沸下甘遂末不拘時服快利為度

○小陷胸湯○小結胸病心下痞滿而軟按之則痛

脈浮滑者

大黃七錢 甘遂一錢 芒硝三錢

為末

右作一服水二鍾先煎大黃至一鍾去渣下硝再煎一沸下甘遂末不拘時服快利為度

○小陷胸湯○小結胸病心下痞滿而軟按之則痛

脈浮滑者

半夏湯洗五錢 黃連二錢 水蘊實二錢

右作一服水二鍾先煮水蘊實至一鍾半後入藥煎至一鍾不拘時候服

○溫膽湯○治傷寒瘧後調理

半夏湯炮 茯苓去皮 陳皮去白

枳實炒各二錢 甘草五分 竹茹一錢

右作一服水二鍾姜三片煎至一鍾不拘時服

○加味溫膽湯○治心膽虛怯觸事易驚夢寐不安

右作一服水二鍾姜三片煎至一鍾不拘時服

枳實炒各二錢 甘草五分 竹茹一錢

右作一服水二鍾姜三片煎至一鍾不拘時服

○加味溫膽湯○治心膽虛怯觸事易驚夢寐不安

右作一服水二鍾姜三片煎至一鍾不拘時服

○加味溫膽湯○治心膽虛怯觸事易驚夢寐不安

右作一服水二鍾姜三片煎至一鍾不拘時服

六禮二景編卷六

三十八

氣鬱生涎涎與氣搏變生諸證或短氣困乏或復自汗四肢浮腫飲食無味心虛煩悶坐卧不安

枳實

麩炒

半夏

湯炮

白茯苓

去皮

橘紅

人參

各一錢半

竹茹

香附

麥門冬

柴胡

桔梗

各一錢

甘草

半錢

右作一服水二鍾生薑三片紅棗二枚煎一鍾不拘時服

○內感傷寒

即內傷房事或辛苦工作或讀書辛勞或

又有飲食過度酷飲無節此二者俱發熱頭痛寒身強體痛勞極感風則頭如破全似外感傷寒之症庸醫不識誤投發表枉人性命不可枚舉用光累治以補中益氣湯下咽即甦每見以發表之劑隨手而天此等內傷右手氣口之脉三倍大於左手人迎也房勞者發熱如火灸又有頭如破此等方中下三錢人參甚則加附子若小腹下痛極陰縮者必用燒酒熱服數盃以炒熱鹽熨臍下以艾灸臍中有以燒酒熱瓶綿隔熨肚臍者或三建

湯無四逆湯倉卒只剪下所交婦人裨褱對陰處
燒灰調熱酒服神効

○補中益氣湯

黃芪蜜炙一錢半 人參去蘆一錢 白朮去蘆一錢 當歸身一錢

陳皮去白炒一錢 甘草炙一錢 柴胡去蘆酒洗炒五分

升麻去枯酒炒五分 此柴升二味能升提陽氣下陷

柴胡能使胃中之清氣左旋而上達升麻能使胃
中之清氣從右而上遷有此妙用人多未考焉

右作一貼水二鍾姜三片煎服

或加炒黃柏三五分以救腎水而瀉中之伏火也

○如身大熱只二三服氣和微汗而愈○如口乾

加乾葛如神短少加五味子○如身刺痛乃血少

加當歸○如頭痛加川芎蔓荊子○如頂痛加藁

本細辛○如痰加半夏生姜○如嗽咳夏加五味

子麥門冬秋加黃芩麻黃春加佛耳草冬加款冬

花久嗽乃肺中伏火去人參○如飲食不下乃胃

中有寒或氣澁加青皮陳皮木香寒月加益智仁

草豆蔻夏加苓連秋加檳榔砂仁○如心痞加枳

實黃連芍藥○如腹脹加枳實木香砂仁厚朴天
 寒加姜桂○如腹痛加白芍藥炙甘草有寒加桂
 心夏加黃芩甘草芍藥冬加半夏益智草豆蔻○
 如脇痛加宿砂柴胡甘草○如臍下痛加熟地黃
 不已乃是寒加肉桂○如大便秘加當歸酒蒸炒
 大黃○如脚軟加黃栢防已
 右此減加寒熱在醫者臨時機變不可執一也
 內感極重與外感直中陰經四肢冷面青六脉微無
 頭痰無大熱而不省事者必用此方

○理中湯

人參去蘆二錢半 白朮去蘆陳壁上炒過二錢 炙甘草 一錢

乾姜 炮二錢

加附子名附子理中湯○加炙甘草去人參白
 朮名四逆湯○加川烏鹿茸名三建湯○此必
 審真房勞及冬月真傷寒方可用

右水一鍾姜五片煎七分溫服

加川附子大圓淨一兩五錢重者用童便煮過和鹽少許煮三次水乾去皮用三錢
 如重加鹿茸去毛酥炙一錢半 川烏童便鹽水煮過去皮一錢半

如痰加南星半夏童便生薑汁煮去如病重艾
灸臍中氣海關元如小腹痛必熱益熨臍下穩
治十全大補湯亦要藥

此方加減變症治真房勞與直中陰經霜降後之
傷寒者極効但宜醫者審證審脉真正者方可用
若陽厥之症用之即天慎之慎之

夾食傷寒兩手寸脉弦緊脾脉洪大或沉濡者是當
分氣血施治飲者水也傷無形之氣食者物也傷有
形之血能知如下方分氣血用藥乃易見効不誤殺

○生薑五苓湯○治傷飲冷傷脾大飲酒而傷氣

生薑 猪苓 澤瀉 白朮去蘆

白茯苓 半夏姜汁 枳實炒 甘草各等分

右水姜煎服取微汗此治輕者

如重而畜積為滿脹者去甘草加芫花醋浸炒乾

甘遂麩裹煨 大戟長流水煮三次去 牽牛碎研末

空心服下之

○半夏神麩湯○治過食寒硬物食傷大陰厥陰或

嘔吐痞滿脹瀝

陳皮 半夏

乾生姜

神麴

三稜 莪木

白茯苓

枳實

山查肉 各一錢

宿砂仁 五分

右水姜煎熱服

○枳木青皮湯○治過食熱物有傷大陰厥陰嘔吐痞脹瀉痢或不瀉痢者

枳實 白木

橘紅

黃蓮 姜汁炒

青皮 麥芽

白芍藥

山查肉 各一錢

酒大黃 一錢半

甘草 三分

右水煎服下之不下亦自內消

此上飲食三方加減驗所傷何飲食用之對症必效病已即止不可過劑

潛谿曰急在上者因而越之以瓜蒂散吐之或無藥處以炒鹽二兩調滾湯吐之不吐以鵝翎或手指探吐尤勝服藥此因飲食過度脹痛不可忍急無藥者施此得吐而愈且速也

傷風 傷食七方

外感傷風鼻塞聲重左脉浮緩者是

○芎芷香蘇散

加荆芥防風各七分名荆防芎蘇散

川芎一錢

白芷一錢

薄荷

八分

蘇葉

八分

香附一錢

陳皮一錢

甘草一錢

羌活一錢

蘇活一錢

右水二鍾姜三片葱二寸煎八分熱服食遠煎渣

有痰加半夏茯苓咳加杏仁桑白皮

○局方神木散○治傷風頭痛鼻塞聲重

蒼朮

五兩

藁本

白芷

細辛

羌活

川芎

甘草

炙各一兩

右末三錢水一觔姜三片葱三寸煎傷風鼻塞聲重

茶調下

○消風百解散○治頭疼發熱咳嗽鼻塞聲重

荆芥

白芷

陳皮

麻黃

蒼朮

甘草

右咀姜三片葱白三根煎

○川芎茶調散○治諸風上攻頭目昏疼鼻塞聲重

薄荷

八兩

荆芥

川芎

各四兩

羌活

白芷

甘草

各二兩

細辛

一兩

防風

一兩半

右為末每服二錢食後茶調下

○消風散○治諸風上攻頭目昏眩項背拘急鼻塞
聲重及皮膚頑麻癢痒癰疹婦人血風

荆穗 甘草炙 陳皮去白 厚朴各半兩

白姜蚕炒 人參 茯苓 防風

芎藭 藿葉 蟬蛻去土炒 羌活各三兩

右為末每服二錢荆芥茶清調下瘡癬温酒調下

○金沸草散○治肺經受風頭目昏痰咳嗽聲重涕

唾稠粘

荆芥穗四兩 前胡 麻黃 旋覆花各三兩

甘草炙 赤芍 半夏各一兩

右咀姜三片棗一枚煎服活人書減麻黃赤芍加

細辛赤茯苓

○柴胡升麻湯○治頭痛壯熱惡風體疼鼻塞咽乾

痰盛欬嗽涕唾稠粘

柴胡 前胡 黃芩各六兩半 荆芥七兩半

赤芍 石膏各十兩 升麻五兩 桑白皮

乾葛各七兩

右咀咀每服一兩水姜煎熱服

有痰加半夏貝母

傷飲食

內經曰陰之五官傷在五味人當節厚味戒酷飲如

或有傷者用生姜五苓飲治飲酒傷半夏神麴湯治過食

冷傷枳木青皮湯治過食熱三方詳上夾食傷寒門如

遇仙丹木香栲榔丸枳木丸枳木導滯丸可選用

傷暑有中暑冒暑傷暑三者有輕重之別虛實之分四方

○黃蓮香薷飲○治腹痛水泄惡心者冒暑之症

香薷一斤 黃蓮四兩 厚朴姜汁炒

右為末每貼用五錢水煎熱服

○白虎湯○治身熱頭痛燥亂不寧者或身如刺痛

此暑傷熱在內也此方主之或解毒湯兼用

人參一錢知母二錢石膏五錢甘草一錢

右作一貼入米一撮水煎服

○柴胡天水散○治中暑脉數盜汗不止發寒熱者

此熱在肺分

柴胡一錢黃芩二錢滑石末五錢甘草炙一錢

右為末水煎服或白湯調亦好

夏月天熱中渴是陽証 中暑是陰証脉沉弱者
不可用涼藥宜清暑益氣湯加附子 熱用五苓
散天水五苓散

○生脉散

麥門冬 去心 人參 五味子 各一錢半

右作一貼水煎服

此方夏月通用加黃芪一錢半更佳

濕一方

○羌活勝濕湯○脾胃受濕身重怠倦好卧

羌活 獨活錢各一 藁本 防風

甘草炙各五分 蔓荆子研三分 本方外加

防已 一錢 白朮 一錢 黃芪 一錢

右作一貼水姜煎熱服

○二陳湯○平胃散○枳朮丸○升陽除濕湯可選

痢疾

內經曰熱積氣滯而為痢又曰夏月過傷生冷多以
致秋來乃發痢潛谿曰行血則血膿自愈調氣則後
重自除此治痢之大法也初起用過仙丹三錢空心

黃芩半生半酒炒 白芍藥半生半酒炒

黃蓮一錢 升麻一錢 赤茯苓一錢 澤瀉一錢

白朮一錢 猪苓一錢 滑石末二錢 甘草五分

水二鍾姜一片燈心一根煎八分空心溫服

如身熱加柴胡乾葛○如口渴加五味子天花粉

麥門冬○如血多加生地黃地榆當歸乾姜○如

白多加半夏蒼朮少加南星以化其積滯○如行

血加桃仁紅花○如腹疼不可當加炒芍藥二錢

桂五分○如行氣加檳榔木香○後重不可當加

滑石末五錢 檳榔三錢○如脫肛加秦艽柴胡牡

蠣仍用五倍子煎湯洗

久痢則枳木丸 八仙糕 鮮黃牛肉湯 西瓜

自然汁 香蓮丸可間服而愈以上五方選用

小兒用 湖蓮肉去心 乾山藥去皮蒸過

各等分為小丸或為末調米湯服効

癰亂

上吐下泄或腸痛如割或脉伏者有寒中有熱中

分治

○生姜理中湯○治口不渴而痛者此寒傷中也
乾生姜 三錢 白朮 一錢半 人參 一錢 甘草 錢

右水煎熱服即安

○加味五苓湯○治口渴身熱此暑熱傷中也

猪苓 七分 澤瀉 七分 白朮 五分 赤茯苓 一錢

天花粉 二錢 乾葛 一錢 香薷 黃蓮

甘草 各等分

右水煎服

如熱極加石膏知母○泄極加升麻黃芩滑石○

腹痛加炒芍藥五錢桂三分寒痛亦如此

鬱兼順氣

○開鬱湯

香附米童便製蒼朮如上製神麴炒 山梔研炒

連翹去穢 陳皮炒 撫芎 貝母

枳殼炒 白茯苓 蘇梗各一錢 甘草五分

水姜煎服痰加半夏南星○熱加柴芩○血鬱加

桃仁紅花○濕鬱加白朮羌活○氣鬱加枳榔木

香○食積加山查砂仁神麴

泄瀉此有五當分治

按內經曰瀉水腹不痛者濕也○飲食入胃不住完穀不化者氣虛也○腹痛瀉水腸鳴痛一陣瀉一陣者火也○或瀉或不瀉或多或少者痰也○腹痛甚而瀉瀉後痛減者食積也當因其病而用其藥加減詳于左

○胃苓芍藥湯

陳皮炒不去白一錢

蒼朮米泔浸鹽一錢

澤瀉一錢

猪苓一錢

白朮去蘆煨一錢

白芍藥酒炒二錢

赤茯苓半一錢

黃蓮姜汁炒七分

甘草五分

半夏姜汁炒過肉桂二分

水二鍾姜三片燈心百根煎八分空心溫服

如泄瀉注下如水本方加蒼朮車前子微炒倍加

白朮為末米湯空心調下製造如前煎服亦可

如濕熱甚下泄肛門如熱湯者本方去桂加滑石

末二錢黃芩一錢山梔炒一木通去節八分

如腹中痛下泄清冷喜熱手盪熨者口不燥渴乃

寒泄也本方倍桂加肉豆蔻有氣加木香肉蔻

紙槌去油病甚者略加丁香附子如前製作丸服

如久泄谷道不合或脫肛此元氣下陷及大腸不行收令而然用白朮考藥煨神麩微炒陳皮白炒肉豆寇煨麩柯子肉五倍子烏梅為丸以四君子湯加防風升麻煎湯送下

如食積時常腹痛瀉積先以木香枳實導滯丸推逐之而後以四苓加厚朴蒼朮神麩麥芽之類作丸服之以安胃氣

如瀉水腹不痛者屬氣虛宜四君子湯倍白朮加黃芪升麻柴胡防風補以提之俱如前製造

瀉日夜無度諸藥不効者用針沙地龍猪苓三味各等分共為細末生葱搗汁調方七貼臍上小便長而瀉止

吐瀉日久垂死宜灸天樞氣海三穴立止

天樞穴在臍旁各開二寸○氣海穴在臍下一寸五分

○加味香薷飲○治感暑泄瀉取効亦速

香薷一錢 黃蓮八分 扁豆炒研一錢 陳皮八分
茯苓二錢 厚朴炒七分 白朮炒一錢 黃芩炒五分

白芍藥

錢炒

甘草

五分

水二鍾姜棗煎空心服。後重加檳榔滑石末。小便短加猪苓澤瀉木通。口渴加天花粉。

彭用光曰凡泄瀉當以白朮茯苓為主蓋以理脾胃也餘當分五治萬舉萬全。

瘧疾

內經曰夏傷於暑秋為瘧瘧然無痰不成瘧此先賢確論。乍寒乍熱者邪氣與正氣相激搏而然如邪氣陰盛而入內則陽微而外寒如正氣陽復而入

內則陰微而外熱亦有瘧寒而為牝瘧此濕傷陰分也。又有瘧熱而為牡瘧瘧此熱傷陽分也。又有三陰瘧三陽瘧屬五臟備詳于左若久必多劑方祛邪復正欲求急效似非調治之宜。

○柴苓二陳湯

柴胡

三錢半去蘆

黃芩

二錢

陳皮

半夏一錢半姜汁煮去皮

白茯苓

一錢去皮

白朮

八分

澤瀉

五分

猪苓

五分

山梔子

一錢炒

甘草

五分

藿香

五分

蒼朮

一錢

黃連

五分炒

右作一服水二鍾姜五片煎八分温服初起頭貼
內加葱五根取汗

○如連日或間日發作惡寒發熱腰背頭項俱痛此
屬太陽經瘧也宜二陳湯加柴胡羌活藁本防風
○如連日或間日發作先寒後熱或寒少熱多或俱
熱不寒目痛鼻孔燥此屬陽明經瘧也宜用二陳
湯加乾葛升麻石膏知母白芷

○如連日或間日發作或先寒後熱或寒熱間作脇
痛口苦或嘔吐惡心此少陰經瘧也宜二陳湯倍

加柴胡及黃芩人參青皮

○如於子午卯酉日發寒熱嘔吐舌乾口燥此少陰
經瘧也宜二陳湯加當歸川芎黃栢黃蓮柴胡

○如辰戌丑未日發寒熱嘔吐不嗜食或腹滿自利
此太陰經瘧也宜二陳湯加蒼朮白朮柴胡芍藥

○如於寅申巳亥日發惡寒發熱寒多熱少或腹痛
引陰器如淋狀善恐此厥陰經瘧也宜用二陳湯

加桂枝附子乾姜柴胡升麻
○內經云瘧屬三陽宜汗吐麻黃葛根柴胡常山

草果烏梅之屬治之瘧屬三陰宜下宜溫宜和大柴胡湯柴胡桂姜湯柴胡四物湯附子理中湯加升柴之類選而用 思濟堂加減法○如熱甚加柴芩○如痰甚加半夏南星○如咳加知母貝母前胡○如飲食少加山查神麴半夏○如有食積加三稜義朮青皮○如大便秘加大黃桃仁○如小便赤短加滑石末車前子瞿麥○如久病自汗加黃芪人參托住正氣二三貼後○如有當吐者加酒蒸常山烏梅微入酒以吐不可大吐○如有當下者加

大黃下之

○瘰癧法臨發日抱雄鷄一時令患人作犬聲極效一說半邊白半邊黑者一次愈

○一法治瘧連年不愈者呪要桃杏棗梨呪曰吾從東南來路逢一池水水裏一條龍九頭十八尾問伊食甚的只食瘧疾鬼念一遍吹果上念七遍吹果上七次令病人於五更鷄犬不聞時面東而立將果食訖於淨室中安卧忌食瓜果葷肉熱物此法十治八九隨處可以救人桃杏棗梨隨便用一様

痿

○東垣健步丸○治膝間無力屈伸不得腰腿沉重等症

羌活

柴胡

滑石炒

甘草炙

瓜蒌

根各三錢

肉桂

五分

防風

澤瀉

各三錢

川烏

苦參

各二錢

防己

酒洗一兩

右為末酒糊丸如梧桐子大每服七八十九空心

愈風湯下

○起痿疾藥丸○治腎氣虛憊腰膝酸疼行步無力

沙苑蒺藜

微炒二兩

川芎

膝

二兩酒洗去蘆

川桂

仲

二兩炒去

肉苁蓉

三兩酒浸去鱗

川芎

平蘚

二兩

防風

一兩酒洗

葫蘆芭

二兩微炒

補腦

脂

二兩酒炒

甘枸杞

二兩

兔絲子

二兩酒淘浸蒸

補腦

脂

二兩酒炒

甘枸杞

二兩

右為細末酒煮猪腰子搗爛如泥和丸如梧桐子

大每服七十丸或五

丸空心温酒送下

怔忡驚悸健忘

彭用光曰屬血虛有勞傷者屬虛時作時止者痰因火動瘦人多是血少肥人只是痰多時覺心跳者亦

是血虛怔忡無時驚悸有時
丸之類有痰者用痰藥
川作大法四物湯安神

○驚悸養心湯○治肥人因
煖火而忽然跳動驚起

黃芪 茯神 半 友麴 川芎各半

遠志 桂心 栝丁仁 酸棗仁炒

五味子 人參各二分半 甘草十四分

右細切作一服生姜三片大棗一枚水一盞煎至
七分服如停水加茯神栝榔各三分同煎

安神丸

黃蓮一錢半 酒洗 硃砂一錢 水飛 生地黃酒洗

當歸身酒洗 甘草炙各半錢

右為末湯浸蒸餅為丸如黍米大每服十五丸食
後津唾嚥下或猪心血為丸卧時津嚥下

○温膽湯○治心膽怯怔忡易驚

半夏 竹茹 枳實各二錢 生姜四錢

陳皮三錢 甘草一錢

右切作一服水二盞煎至一盞去滓食後温服
○定志丸○治心氣不足恍惚多忘及怔忡驚悸

人參 白茯苓各三兩 遠志去心 石菖蒲各二兩
 右為細末煉蜜為丸如梧桐子大硃砂為衣每服
 五十九丸食後白湯下

○八物定志丸 ○平補心氣安神鎮驚除膈間痰

遠志去心 石菖蒲 麥門冬去心 茯苓去皮

白茯苓各一兩 人參半兩 白朮半兩 牛黃二錢
另研

右煉蜜為丸如梧桐子大硃砂為衣每服二十九丸
 白湯送下

天王補心丹 ○寧心保神益血固精壯力強志令

人不忘清三焦火痰除驚悸升精氣潤咽乾養
 氣之上劑也

熟地黃 錢一兩四分 白茯苓 錢一兩三分 柏子仁 錢一兩

丹參 錢一兩二分 石菖蒲 錢一兩四分 百部 錢一兩

牛膝 錢一兩三分 酸棗仁 錢一兩三分 玄參 錢一兩三分

當歸 錢一兩四分 天門冬 錢一兩六分 甘草 錢一兩六分

遠志 錢一兩五分 杜仲 錢一兩三分 五味子 錢一兩

金箔 二十張

右為細末煉蜜為丸如彈子大每用一九卧時燈

心紅煎湯化下

積聚

○治積塊方

用海石三稜莪朮香附用上俱桃仁紅花五靈脂
之類為丸石鹽白朮湯下

○一方治婦人血塊如盤有孕難服峻藥

香附四兩桃仁一兩去皮尖海石二兩白朮一兩

右為細末神麩糊丸服

○保和丸○傷食消化用

山查即糖總神麩炒半夏二兩茯苓二兩

陳皮 蘿蔔子 連翹各一兩

右為末糊丸如梧桐子大每服七十丸食後用白

沸湯下

○香稜丸○消導積癖氣塊

三稜 青皮 香附子 陳皮 蓬朮各三兩

黃蓮 神麩炒鱉甲醋炙麥芽 乾漆

桃仁各一兩 硃砂此味少用砂仁 歸稍

木香 甘草各一兩 檳榔六箇 山查四兩 枳實炒

枳殼炒 蘿蔔子各三兩

右為末醋糊丸如梧桐子每服五七十九白湯下

○蘿蔔湯○治一人初覺有積服此利下如鵝卵大

即愈用蘿蔔切如麵條半盞熟油半盞二處同炒

黃色入水二盞煎至一盞連蘿蔔空心溫服通後

以米湯調養二三日

痞滿

○枳實導滯丸

大黃兩一 枳實兩一 實兩一 麵炒 去錢 神麴炒 五錢 白茯苓去皮

黃芩酒洗 黃蓮去毛 白朮去蘆 澤瀉一錢

右為細末湯浸蒸餅為丸每服五七十九滾水送

下食遠服量虛實加減

黃疸濕熱也

○腎疸湯○治腎疸目黃甚至遍身黃小便赤澀

羌活 防風 藁本 獨活 柴胡各五錢

茵陳七錢 升麻五錢 茯苓五錢 澤瀉 人參各三錢

白朮五錢 葛根五錢 猪苓四錢 蒼朮一錢 黃柏三錢

神麴六錢 甘草三錢 車前子二錢

右剉每服一兩水煎空心稍熱服

○小温中丸○治黃疸及食糖不可制肝燥脾虛者

以白木作湯使

針砂十兩炒紅醋研香冬夏加山查各二

吳茱萸一兩夏冬減香附子一斤神麩半斤

川芎半斤白木五兩

右為末醋糊丸如梧桐子大空心淡鹽湯下

○一方治酒疸

枳實 梔子 葛根各二豆豉一兩炙甘草五錢

右剉水煎服

○治穀疸方

苦參三兩 龍胆草一兩

共為末用牛膽一箇以煉蜜和丸如梧桐子大每

服五十丸空心白水下或生姜湯下

○灸法○黃疸宜灸令病人脊骨自上數至下第十

三推下兩傍各量一寸灸三七壯神効

○紫金丹治積疸

針砂煨 紫金皮酒浸 香附炒 三稜醋浸 陳皮 青皮

厚朴

蒼朮

浸炒

砂仁

各一兩

右為末醋糊丸如梧桐子大每服三五十九溫酒白水任下

氣實心間痛身黃用吐藥撫芎藭梔子桔梗茶芽殭汁煎湯飲後探吐是其治也

三消

潛谿曰養肺降火生血為主分上中下治

上消者肺也多飲水而少食小便如常

中消者胃也多飲食而小便赤黃

下消者腎也小便濁淋如膏之狀

大法黃蓮天花粉二味為末藕汁人乳汁生地黃汁佐以蜜姜汁為膏和二末番舌上徐徐以白湯少許送下能食者加石膏

○猪肚丸

黃蓮

五兩

麥門冬

知母

括萎根

各四兩

右為細末入公猪肚內縫煮熟乘熱於石臼中搗爛如乾加煉蜜丸如梧桐子大每服一百丸食後米飲下可清心止渴

○黃芪飲○治三消

黃芪蜜炙六兩

炙甘草一兩

每服二錢水煎服

潜谿活套云三消者多屬血虛不生津液俱宜四物湯為主○治上消者本方加人參五味子麥門冬天花粉煎入生藕汁生地黄汁人乳飲酒人加生葛汁○中消者本方加知母石膏滑石寒水石以降胃火○下消者本方加黃柏知母熟地黄五味子之類以滋腎水又間當飲繅絲湯為上策

腫脹

按丹溪曰此病之起固非一年根深而勢篤似緩而極危膠固難治理宜補脾養肺以制肝使脾無賊邪之慮滋腎水以制火使肺得清化之令却鹽食淡以防助邪免思戒房以保母氣切不可行峻利之藥暫消復脹真氣傷而去死不遠欲求速效自取禍耳知王道者可以語此

朝寬暮急血虛暮寬朝急氣虛朝暮急氣血俱虛治腫脹大法宜補中行濕利小便以人參白朮為君蒼

木陳皮茯苓為臣黃芩麥門冬為使以制肝木少加厚朴以消腹脹氣不運加木香木通氣下陷加升麻柴胡提之血虛加補血藥痰盛加利痰藥隨症加減用之無不效者
腰已上腫者宜發汗腰已下腫者宜利小便此仲景之法也

○中滿分消丸 ○治中滿鼓脹水脹熱服

黃芩

去朽細切酒拌炒二次六錢

黃蓮

枳實 炒黃色

半夏

湯泡七次去皮臍各五錢

姜黃

白朮

人參

各二錢半

甘草

炙

猪苓

去黑皮各一錢

乾生姜

砂仁

各二錢

白茯苓

各二錢

厚朴

姜製各五錢

知母

去毛酒洗

澤瀉

陳皮

去白各三錢

右為細末蒸餅糊丸如梧桐子大每服百丸熱白

湯或淡姜湯下

○丹房奇術 ○治腫脹不服藥自去水

真水銀粉

二錢

巴豆肉

研去油四兩

生硫黃

一錢

右三味研成餅要勻先用新綿一塊鋪臍上次以餅當臍掩之外用帛縛如人行三五里自然瀉

下惡水待行三五次除去藥以溫白粥補之久
患者隔日取水一餅可救二三十人神效

痼冷

○附中理中丸○治脾胃虛冷心腹疼痛或嘔瀉霍
亂轉筋等證

大附子童便煑 人參 當歸 白朮

甘草炙 乾姜炮各

右為末煉蜜丸如彈子大每一兩作十九丸每服一
丸白水化下惡以十全大補湯切中其病○人

參肉桂當歸白茯苓陳皮黃芪白朮川芎白芍
藥甘草各等分水姜煎空心服

秘結

○潤燥湯

升麻二分 生地黃二分 熟地黃 當歸稍

大黃酒溫 生甘草 桃仁泥 麻仁各一

紅花五分

右除桃仁麻仁另研細外餘細切作一服水一盞
半入桃仁麻仁煎至一盞去粗空心稍熱服

○潤腸丸○治脾胃中伏火大便閉澁或乾燥閉塞不通全不思食及風結血閉皆能治之

桃仁湯泡去皮麻仁去殼各一兩當歸稍 大黃酒溫煨

羗活各半兩

右除桃仁麻仁另研如泥外其餘杵為細末為丸如梧桐子大每服三五丸空心白湯下如風濕溫大便不行加煨皂角仁大黃秦艽以利之如脉澁覺身有氣澁而大便結者加郁李仁大黃以除氣澁燥

○香油法○蜜導法 方見傷寒門

淋閉

○通關丸即滋腎丸治不渴而小便閉熱在下焦血分

黃柏酒洗焙乾 知母酒洗焙乾 肉桂半錢

右為末熟水為丸如梧桐子大每服一百丸空心白湯下服後須頓兩足令藥易下行也如小便已利莖中如刀刺痛當有惡物下為驗○如夜多小便服八味地黃丸用益智仁去澤瀉効○導氣除燥湯○治小便閉塞不通乃血澁致氣不

運而竅溢也

茯苓 去皮 滑石 各一錢 黃柏 二錢 知母 去毛

澤瀉 各一錢半

右細切作一服水二盞煎至一盞空心稍熱服

○小便不通 八正散 益元散 選用

生車前草 搗取自然汁半盞入蜜一匙熱服

○蒲黃湯 ○治心腎有熱小便不通

赤茯苓 木通 車前子 桑白皮 荆芥

赤芍藥 燈心 炙甘草

右為末每服二錢葱頭一根紫蘇五葉煎湯調服

○小便不禁者屬熱屬虛如熱者五苓散加解毒湯

虛者五苓加四物湯

○萘子丸 ○治老人下元虛冷小便不禁或成白濁

萘子 六兩 鹿茸 四兩 菴蓉 酒浸 牛膝

熟芩 當歸 各二兩 巴戟 去心 兔絲子 酒浸各一兩半

杜仲 石斛 桂心 乾姜 炮各一兩

右為末酒糊丸如梧桐子大每服一百丸空心湯

酒任下夜卧時亦服

○又方○治小兒小便不禁夜多遺尿

益智仁

一兩鹽水浸一宿炒乾去殼

右為末每用二茶匙米湯調下

灸氣海神効

一人年七十者秋間患小便不通二十餘日百方不効後得一方取地膚草搗自然汁服之遂通雖至微之物而有迴生起死之功故錄於此以為濟利之一助云地膚草古云白地草即落帚草也本草云地膚子利膀胱能洗皮膚之熱湖廣此草極多

關格

漢曰寒在上而熱在下故多死法當吐以提其氣橫格不必在出痰也用二陳湯探而吐之吐中便有降

辟瘴

通用

天下以東南地暖而西北地寒咸謂東南有瘴氣愚謂士大夫遊宦四方謂水土不服則可若兩廣山峻樹茂水惡地濕熱甲於天下所以有瘴病時作仕宦初到及商賈比多為濕熱所苦宜常預服

至於別省可以

通用

○理脾却瘴湯○

任兩廣尤宜多服

四方水土不服常用此方若

陳皮

炒

錢

白朮

去蘆

錢

白茯苓

去皮

木黃芩

蒼朮

米泔

炒

黃連

姜汁

炒

前胡

神麴

八分

半夏

姜汁

炒

山梔

仁

錢

甘草

五分

山查肉

右水二鍾姜三片前八分温服不拘時一日一服

或間日一服可免瘴病何也蒼白二朮去濕

蓮清熱化毒二陳化痰查麴理脾百病自却去

矣更戒酒色慎起居為宜

○枳朮丸

枳實

炒

兩

白朮

去蘆

炒

橘紅

炒

兩

蒼朮

炒

兩

黃連

姜汁

炒

黃芩

酒

炒

山查肉

蒸

過

山梔

仁

錢

神麴

炒

兩

右為末淡姜湯煮米糊而丸白湯下百丸

○三黃丸

加枳實白朮元宜

黃連

黃芩

黃柏

山梔

各

炒

等分

右為末陳皮煎汁煮糊充白湯下

右三方百粵仕宦經商最宜常服未病時却瘴之

法如有病選用後方

外感凡仕宦任遊天下山至不服感冒於人則頭疼身痛惡寒發熱左脉洪大者暫時外境任中用

○芎蘇香葛散

香附 蘇葉 茯苓 乾葛 荆芥 陳皮

半夏 前胡 川芎 白芷 甘草 防風

蒼朮各一錢 ○各必用麻黃一錢惟兩處則用羌活蒼朮

右水二鍾姜三片葱二根煎八分熱服如三四日後有惡寒此外感尚在表亦宜服此

和鮮柴胡湯○四五日後不惡寒而發熱者

柴胡 黃芩各二錢 陳皮 半夏 芍藥 升麻

乾葛 赤茯苓各一錢 滑石一錢 甘草八分

右水二鍾姜三片煎八分溫服○小便赤加猪苓

澤瀉口渴加天花粉麥門冬熱甚加石膏知母

竹葉如六七日內大便秘加枳殼大黃下之

○九味羌活湯○治四時感冒傷寒極穩

羌活一錢 防風一錢 蒼朮一錢 黃芩一錢 川芎一錢

生地黃一錢 白芷 甘草各一錢 細辛四分

右作一服水二鍾姜三片煎熟服有汗加白朮去
蒼朮渴加石膏知母熱甚加柴胡黃芩大便不
通加酒大黃

○六神通解散○外感傷寒發熱頭疼用此甚效

防風

一錢半
去蘆

滑石

二錢半
研末

黃芩

二錢
酒洗

石膏

二錢半
研末

蒼朮

三錢

甘草

一錢

右作一服姜三片葱白五寸豆豉五十粒煎熟服

春夏用防風

秋冬用麻黃

若兩廣只
可用防風

○萬病遇仙丹○能治百病內熱血分兩廣尤便

黑牽牛

一斤半生半
炒取頭末

大黃

酒浸
晒乾

三稜

莪朮

小皂角

去莖
子

茵陳

枳殼

去
穰

檳榔

各四兩
俱生用

右為細末用大皂角四兩打碎去子煎濃湯去渣

煮麵稀為糊丸如梧桐大晒乾丸確收大便不

通空心白湯送下一錢五分如不通再加一錢

小便不通燈心木通湯下

以後丸數隨病輕重加減

婦人血塊月經不通當歸桃仁湯下○有癥瘕卧

時桃仁紅花湯下○積熱者半飽時有痞塊者半

飢如上焦熟食後如中焦熱午時如下焦熱空心
俱白湯下○如熱口渴天花粉湯食後○痢疾初
起桃仁湯二錢○久痢一錢即愈○瘡疾濃姜湯
二錢○久瘡一錢○咳嗽杏仁湯食後○心氣疼
小腹疼姜湯下○瘡病發熱滾水下○食積痛滿
者姜湯下○顛狂病滾水溫下○老人便秘桃仁
麻仁俱研碎煎湯下○小兒食積陳皮湯小兒丸
要極小者每次十九或十五二十因兒大小加減
○癩病姜湯下

此丸用之要着虛實又新如實而新者多服數
丸虛而久者少服數丸全在活法不可輕意妄
投如通利用白稀粥補病退七分止藥以俟自
完切不可過劑如未見効再服自見其効也

○木香檳榔丸○治鬱結內熱氣分

木香 五錢 檳榔 尖小者 青皮 醋炒 陳皮 黃柏
義木 枳殼 香附 各一兩 當歸 酒洗一兩五錢

大黃 一兩酒蒸十次

右為細末水稀糊為丸如梧桐子大用白湯下

上焦食後 中焦半飢 下焦空心 年久夜卧
新病多服 久病少服常服俱白湯下三十五
七十至一百丸止

以上二方兩廣所必用者不可不知

便濁 車前草一味濃煎湯空心服亦効

○半苓丸○治白濁

神麩

半夏濕燥

猪苓水粉

右為末麵糊丸服燈心湯送六十九空心下

虛勞者用補陰藥胃弱者兼用人參及升麻柴胡

升胃中之清氣五苓散亦可 用只加炒山梔升

柴胡

遺精 即夢遺

濕熱兼痰流入膀胱下陷宜升提清去伏火若思
想而得當清心安神丸

○一方

白茯苓

去木一錢

遠志肉

一錢

石菖蒲

一錢

滑石

二錢

右為末米湯調服

○二陳湯 加升提滋陰降火藥

更宜灸腎腧二穴取穴以前臍相對後背脊中樣
平臍心點記中心兩邊各開一寸半是灸穴

陳皮去白炒一錢 半夏姜汁泡一錢半 桔梗 白木去蘆

升麻酒炒一錢 柴胡酒炒一錢 石菖蒲七分 甘草一錢

白茯苓淇水浸鹽水炒 山梔子炒黑各一錢半 黃柏二分 知母三分

右剉水姜煎空心食遠服定志丸安神丸可選用

方見怔忡門

固真丸○治絕睡着即泄精

白龍骨一兩 韭子一合

右為細末每服二錢七空心用酒調服此二味

大能澁精固真氣煖下元

枸杞丸○補精氣

枸杞子冬採者佳 黃精

右各等分為細末二味相和搗成塊捏作餅子乾
復搗為末煉蜜為丸如梧桐子大每服五十九
空心溫水送下

○韭子丸○治腎臟虛冷腰膝痠疼脚膝冷痺夜多
小便夢寐遺泄日漸羸瘦面無顏色及治女人惡

露赤白帶下

右用韭子七升淨揀以醋湯煮千百沸取出焙乾旋炒如油麻香搗羅為細末煉蜜和丸如梧桐子大每服二十九加至三十九空心溫酒送下

○大茴香丸○治小便白濁出髓條

大茴香 酸棗仁炒 破故紙炒 白木 人參

白茯苓 牡蠣用左顧者砂鍋內慢火煨爆為度 益智各等分

右為細末用青鹽酒糊丸如梧桐子大每服二十

丸食前用溫酒或米飲送下

○猪肚丸○治遺精止夢遺泄精思飲食壯健賤

有效

白木去蘆炒 苦參色白者佳三兩

牡蠣粉左顧者火煨童便醋拌如此七次布包并水中浸三日曬乾另研四兩

右三味為細末用公猪肚一箇洗淨砂罐內煮極

爛熟石臼或木臼內搗如泥糊和藥末再加肚

汁搗半日一二萬下如小豆大每服四十九日

進三服或四次米湯送下久服自覺身肥而夢

遺止妙效甚奇

膈噎翻胃

○五噎散○治五噎食不下嘔哕痰多咽喉噎塞胸膈滿痛

人參七分 桔梗一錢 沉香一分 半夏姜汁泡二錢
白朮一錢 甘草炙八分 白豆蔻分五 杵頭糠二錢
葶澄茄分五 枇杷葉錢一 乾生姜錢二 木香不見火二分
右作一貼水二鍾生姜七片陳倉老米一撮煎至一鍾食前一服食後一服卧時一服

○五膈散○治胞膈痞悶諸氣結聚脇肋脹滿痰逆

惡心不進飲食

枳殼去穢青皮醋炒大腹子者半夏炒各一錢五分
木香分三 天南星姜汁泡一 乾生姜泡二錢
麥芽炒一 草菓仁分七 白朮去蘆陳壁土炒一錢五分
炙甘草五分

右作一貼水二鍾生姜七片煎至一鍾空心少服食後多服

○承萎實丸○治胞膈痞滿脅作疼喘急妨悶此丸五膈五噎翻胃皆服之有效者

瓜蒌仁炒去殼取淨仁另研枳殼去穰炒半夏姜汁煮七次去皮臍

桔梗米泔浸去蘆各一兩淨末

右為細末用濃姜汁煮神麩粉為糊丸每服五七十九丸食後姜湯下一日吃三次

○一方以手中裹杵頭糠時時拭齒治卒噎或刮下杵頭細糠口內含之或煎湯細細呷噙下効

○東坡家藏仙方○單用藍靛白湯化下數次効凡用藥內必用藍靛或青黛亦好

翻胃多用熟蘆熟末合宜反燥傷津液惟有四物

三陳四君子加減用

○大倉丸○治翻胃及飲食不進脾胃弱者宜服之

白豆蔻縮砂仁各二兩陳倉米一升用黃土炒熟去土不用

右為細末用生姜自然汁合和為丸每服一百丸

食後姜湯下

○又一方○用真阿魏末五錢加取大路邊行人拋下乾糞炒過存性作末五錢同阿魏末和勻五更初以薑片蘸食能起死回生

瘡瘍

愚按外科發揮心法固為詳明于諸方然簡易之極效者惟槐花酒金銀花酒灸法騎竹馬灸此四方最便於倉卒及鄉落無藥之處以此治之亦有神效

○槐花酒方○治百種瘡毒初覺頭腦背面及身上下有瘡即用槐花四兩於鍋內炒香入酒二大碗煎一二沸即傾出去滓將酒盡服瘡即消未退再用新槐花四兩炒酒去滓服雖有極大之勢服此槐花酒亦退矣此神藥方不善飲作兩三次服

○金銀花治驗方

一園丁患發背甚危取金銀藤五六兩搗爛入葶酒一鍾絞取汁酒溫服相繼患處四五服而平彼用此藥治瘡足以養身成家遂棄園業諸書云金銀花治瘡瘍未成者即散已成即潰有回生之功

○灸法此就瘡上灸法○用蒜一片在瘡上用艾蒜上灸夫瘡瘍之證有諸中必形諸外者引而按之在內者踈而下之灼艾之功甚効毒氣鬱結瘀血凝滯輕者或可藥散重者藥無全功河間云痛者灸至不痛不痛者灸至痛毒氣自然隨火而散去矣

第一圖

先從男左女右臂腕中由橫紋起用薄篾一條量至中指齊肉盡處不量指末為則剪斷



第二圖

男以左手女以右手先由中指用薄篾量取中間一節兩橫紋斷為則名同身寸



第三圖

先令病人脫衣以竹杠一條騎定兩人前後扛起足要離地兩傍更以二人扶定毋令動搖却以第一圖則子從尾間起貼脊量至則子盡處以墨記之後却以第二圖則子就于墨點記處兩邊各量則盡處各以墨點之即是灸穴左右共二穴各灸九壯或十五壯其瘡勢即消散毒亦拔矣



癘風

癘與癩通

用光曰此病之起多因熱極亦有傳染與夫不守禁忌之人多有而不能救治者愚見一一起即服防風通聖散五六十貼止頭二三貼下大黃芒硝以去內毒第九第十貼下麻黃發汗以去外毒却去此二味單服通聖散至五十貼則止藥五日待胃氣定服通天再造散以下其虫此後只淡滋味戒房間日服通聖散更服苦參酒一日三五次再用苦參二斤合防風散聖散二料去黃硝麻黃三味作丸子以苦參酒一日吃三次此病可保平安要服二三年此丸守禁忌萬舉萬全也

○防風通聖散 方見上

○通天再造散

鬱金 半兩

皂角刺 獨生黑大者去木

大黃 炮各一兩

白丑 頭末六錢 半生半熟

右為末每服五錢日未出時以無灰酒調面東服之當日必利下惡物或臭膿或虫如虫口黑色則是多年赤色乃是近日數日後又進一服無

虫積乃止

○洗浸方

槐枝 柳枝 桃枝 橘葉枝 楮枝

五枝各一斤濃煎湯一桶先薰後半温入桶內浸

洗一月洗二次極佳其桶新造要桶內放一小

椅坐其中水平頸項温温浸洗

○苦參酒 用苦參五斤好酒三斗漬一月每服一

合日三服常與不絕覺脾胃安酒盡以苦參晒

乾為末酒糊作丸服

○苦參丸

苦參一斤 防風 滑石 赤芍藥

川芎 當歸 甘草 山梔

連翹 黃芩 黃蓮 白朮

荆芥 羌活 獨活

金銀花末各一兩糊丸酒下

已上諸方治癘病兩廣謂之大麻風江右謂之大

皮風初起時依次序服此藥可保平復又患者

服之亦可半愈延年不死

○苦參酒方○治內熱消瘡毒補心養氣

用苦參半斤洗淨剉碎分作二處將絹袋兜浸酒一埕春冬浸一月秋夏浸十日後早晚開服大治瘡科之神藥平居無病浸此酒能消一切風毒理脾常服每罈用半斤有瘡用一斤每罈酒一十五壺

痔

潜谿曰痔漏因風熱燥歸于大腸也治血為主大法用芩涼大腸人參黃蓮生地黃槐角涼血生血當

歸和血川芎升麻枳殼寬腸

○洗藥

用五倍子朴硝桑寄生蓮房煎湯先薰後洗腸風獨在胃與大腸出用黃芩秦艽槐角青黛升麻

○治痔漏疼

熊膽一分 片腦一粒

右同研蜜調塗瘡上其痛立止

○槐角丸○治諸痔及腸風下血脫肛

槐角去梗 防風 地榆 枳殼麩炒

當歸

黃芩各半兩

右為細末酒糊為丸如梧桐子大每服五十九空

心用米湯飲送下

○芎歸丸○治痔下血不止

川芎

當歸

神麩炒

槐花微炒

黃芪

地榆各半兩

荆芥穗

頭髮燒存性

木賊

阿膠炒各一兩

右為細末煉蜜為丸如梧桐子大每服五十九食

前用米飲送下

○蝸牛膏○敷痔瘡極効

蝸牛一枚

片腦

麝香各少許

右同研爛用磁盒盛次早取汁敷瘡上

○蝟皮丸○治諸痔出血裏急疼痛

蝟皮一兩

槐花微炒

艾葉炒黃

白芍藥

枳殼

地榆

川芎

當歸

白礬

黃芪

貫衆各半兩

頭髮三錢燒存性

猪後懸蹄垂甲十枚

炙焦

盈尺皂角

核一挺去弦

右為細末煉蜜和丸如梧桐子大每服五十九食

前用米飲送下

○止血方○治痔瘡血出不止

右用明血竭為末敷之

便毒

○便毒雙解散○治便毒內蘊熱氣外挾寒邪精血

交滯腫結疼痛

川大黃三錢澤瀉

牽牛

白芍藥

桃仁去皮尖辣桂

甘草各一錢

右作一服水二鍾生姜五片煎至一鍾食前服

○復原通氣散○便毒初發用此

南木香

玄胡索

天花粉酒浸

舶上茴香炒

白牽牛炒

白芷

當歸

青木香

甘草各半兩

穿山甲

酒浸炙

右為細末每服二錢食前溫酒調服木香湯亦可

○敷藥方○治便毒腫痛

雄黃

乳香各二兩

黃柏一兩

右為細末用新汲水調敷腫處自消

○麝香輕粉散○治血疔瘡陰蝕瘡耳疔瘡一切惡

瘡皆治

麝香

輕粉

各半錢

乳香

沒藥

白礬

飛過各一兩

右為細末量瘡乾貼

○迴生金銀花散○治瘡瘍痛甚色變紫黑者

金銀花

連枝葉俱用

黃芪

四兩

甘草

右吹咀用酒一升同入壺瓶內閉口重湯煮三兩

時辰取出去滓頻服之一方無黃芪

乳硬

乳癰用蒲公英同忍冬藤入酒煎服即欲睡是其効

○柴胡連翹湯○治男子婦人馬刀瘡

即瘰癧

中桂

一分

當歸稍

五分

黍粘子

炒研

酒黃栢

生地黄

各一錢

柴胡

半錢

黃芩

酒知母

連翹

各一錢半

瞿麥

二錢

右細切作一服水一盞稍熱服食後

○柴胡通經湯○治小兒項側有核堅而不潰名曰

馬刀瘡

柴胡

去蘆

連翹

當歸稍

生甘草

黃芩

黍粘子 荆三稜 桔梗各三 黃蓮五 紅花許

右細切作一服水二盞煎至一盞去粗食後稍熱

服忌苦藥泄大便此上焦病所以不宜泄大便

○南星散○治皮膚頸項面上瘡大者如拳小者如

粟或軟或硬不痒不痛宜用此藥切不可輒用

針灸多致不効

生南星大者一枚

右細研爛入好醋五七點杵如膏如無生者即以

乾者為末醋調如膏先以細針刺患處令氣透

却以膏藥攤貼覺痒則頻換貼取効

凡瘦氣先須斷厚味用海藻一兩黃栢二兩為末

至掌中時時舐之以津唾嚥下待消三分之一

止藥

結核

凡結核在項在臂在身如腫毒不紅不痛不作膿

者多是痰注不散名曰痰核用二陳湯加酒炒

大黃黃蓮連翹桔梗柴胡各一分胞已上食後

服已下空心服

○萬病解毒丸

射干

文蛤即五倍子

石膏

土硫

大戟

山豆根

山茨菰

續隨子

去油

白藥子

青黛

大黃酒蒸

蚤休

即金線重樓各二兩

麝香

二錢

葳蕤仙

白芷

各一兩

風化硝

黃蓮

各半兩

右為末糯米糊為丸如彈子大青黛活石細研為

衣陰乾此藥解一切毒蠱毒鼠莽毒河豚毒魚

毒菌毒症每死半馬肉毒喉痺骨鯁竹木刺毒

並用急水磨下癰疽發背疔腫瘡瘍毒蛇犬咬

蜈蚣蜂蝎螫毒刀斧湯火傷並用井花水磨下

併塗傷處婦人鬼胎惡氣積塊虫積心胞痞滿

肚腹膨脹並用好酒磨下

○灸法 以大蒜爛搗成膏塗瘡四圍留瘡頂以艾

炷灸之以爆為度如不爆稍難愈宜多灸百餘

壯無不愈者

○內托護心散○疔瘡及惡瘡初起宜即用此藥先

服數次護心不為毒氣攻心病易治療切不宜

遲同灸法宜早也

乳香 一兩 真菘豆粉 四兩 一方用二兩

右為細末每服二三錢煎甘草湯或新汲水調下

○太乙膏○治一切癰疽瘡節貼之神效

玄參 白芷 當歸 桂肉 大黃 赤芍藥

生地黃 各一兩 黃丹 一斤 真麻油 二斤

右細切入油浸夏三日冬十日春七日文武火煎

黑色去粗入黃丹再熬以槐柳枝不住手攪滴

水中成珠不軟不硬磁器收貯量瘡大小攤貼

○神異膏○治諸般癰腫癩毒殊效

露蜂房 有蜂鬼多者一兩 玄參 半兩 黃芪 七錢

全蛇退 半兩 杏仁 皮尖 黃丹 十二兩

香油 二斤 亂髮 如鷄子大一塊無病壯年男子者佳 皂水 洗淨

此膏乃瘡科之神藥人多忽之

右先將香油入亂髮於銚中文火熬候髮焦枯盡

以杏仁投入候杏仁黑色用真綿濾出粗再將

油入鍋內然後下黃芪玄參二味文火熬一二

時久住火候片時火力稍息放入露蜂房蛇退

二味以柳枝不住手攪慢火熬至紫黑色又再
用綿濾過去粗入爐中文武火熬下丹急攪十
餘轉滴水成珠子膏即成矣冬月畧嫩此夏
月畧硬此磁器盛貯隨意攤貼

○極効散○治一切惡瘡久不愈

孩兒茶 煨存性 象牙 煨 龍骨 煨

珍珠 煨 花椒 去目炒 青胡桃 生用 麝香 許少

生白礬 煨 孩兒臍帶 煨此味多不能收難得

右各等分為末量貼患處神効

將軍散

大黃一味為細末醋調搽患處 凡瘡輕淺者即可消散

諸虫

○五鳳丸○治大人肝勞熱生長虫在肝為病令人

恐畏不安眼中赤壅

烏鷄卵 五枚去黃 黃蠟 三兩 乾漆 四兩炒烟盡

粳米粉 半升 東引吳茱萸根 切三升

右五味以茱萸根乾漆杵為細末和入銅銚中火
煉可丸如小豆大隔宿勿食清晨以米飲下一

百二十九丸虫即爛盡

○療蛔虫方○治小兒

酸石榴根東引者
切二兩 檳榔十枚
細切

右二味為末以水七升煮取二升半去粗再同粳米粉煮如硬稠糊丸空腹服一百丸少間虫焦死快利神効

○又經驗方○治婦人陰蝕瘡陰戶中有細虫其痒不可當食入臟腑即死令人發寒熱與勞症相似 先用蛇床子煎湯洗淨搥乾敷後藥

梓樹皮不拘多少焙乾為末入枯礬四分之一

麝香少許敷之立効

曾治一婦人因採桑見桑有金虫如蚕者被其毒謂之金蚕毒腹中疔痛欲死予治以樟木屑濃煎湯與之大吐吐虫有金絲如亂髮者一塊腹痛減十分之七八又與甘草湯連進二三盞而安

○癬瘡方

川槿皮一斤紅
薄者佳 剪草一兩
剪草
杭州
金華等處 即剪毛也出

黎蘆 一兩 班猫 十箇 巴豆 十箇 好白芨 一兩

右挫碎用河水煎成濃汁又用白礬五錢煎滾傾出用大筆於癬上搽數十次以厚為度次日即勢減二三次日又如前用搽了藥次日又搽

○治楊梅瘡方。極效不可擅服輕粉致生後患

防風 白蘚皮 牛旁子炒 羌活 赤芍藥
川芎 金銀花 山梔炒 當歸 白茯苓
連翹 滑石末 陳皮 黃蓮 荆芥
白朮 玄參 黃芩 甘草 各一錢

冷飯團一兩 頭貼用酒大黃一錢五分利下之

右作一貼水三碗半夏一錢姜五片葱五寸煎八分服煎渣

○搽藥

孩兒茶 五分 硃砂 三分 輕粉 三分 銅錄 三分
白礬枯 五分 銀硃 五分

右為細末用槐葉煎湯洗瘡上拭乾搽上些許極痛後即愈先用槐花煎水洗

○比天膏

右片腦麝香牛黃乳香沒藥龍骨血竭赤石脂輕	亂髮 <small>一兩</small> 蛇蛻 <small>二條</small> 柳枝 <small>一嫩者</small> <small>外用硬柳枝</small>	木鱉子 大楓子 椿枝 桑枝 槐枝 各二兩	荊芥 五倍子 白芨 海藻 <small>硝各一兩</small> 川山甲	當歸 蒼朮 羌活 槲子仁 桔梗 柴胡	連翹 黃芩 黃蓮 大黃 知母 貝母	白芷 薄荷 草烏 全蠲 <small>各一兩</small> 防風	赤石脂 射香 <small>各三錢</small> 輕粉 麻黃 川芎	片腦 牛黃 乳香 沒藥 龍骨 血竭
---------------------	---	----------------------	--------------------------------------	--------------------	-------------------	-----------------------------------	------------------------------------	-------------------

粉另研俱為細末其諸藥俱剉碎用芝麻油浸一宿外蜜陀僧二斤研細每藥一料用麻油十斤以浸過為度文武火煎至藥枯髮焦無蹤影退火待冷去滓復入火以蜜陀僧四五錢時時入內用柳枝不住手攪用水一碗滴藥在水內成珠不散方入乳香五味攪勻退火待溫方入片腦射香牛黃三味攪勻入磁罐內收過一七方可用如貼身疼痛及半身不遂風濕等疾取生姜搗爛連汁炒熟擦患處二三十遍拭乾火焙膏藥貼上如覺痒則

揭起少頃再烘再貼此藥治疾大抵無弗效者如
貼噎膈氣壅加狗寶三錢如無狗寶加天鵝油三
錢代之

○兩防二活湯○治身體麻木有核遍身北人謂之
生飯南人謂之鼓槌風俗謂之風疔瘡俱屬痰熱
氣滯

防風 防己 獨活 羌活

連翹各五分 烏藥七分 木灰六分 檳榔五分

白茯苓一錢 陳皮一錢 半夏各一錢 當歸五分

生地黄五分 赤芍藥 蒼朮各一錢 金銀花五分

玄參七分 蔓藓二錢 牛膝七分 黃蓮五分

升麻一錢 木香三分 荆芥二分 白疾藜炒八分

牛旁子炒研末五分

右作一貼每用水二碗姜三片葱白五寸煎八分
帶熱服取汗

初一貼下麻黃一錢 中二貼加當歸一錢

後二貼下酒大黃一錢

五貼可愈其効如神

○神効梵傳膏○專治遠年近日諸瘡癩癰發背癰疽寒濕閃挫一切無名腫毒熱瘡杖瘡惡瘡

清油

三斤要真

槐柳枝

六把

血餘

即亂髮用男子的二兩此味先用皂角花水泡淨晒焙乾

木鱉子

四十九箇去皮

巴豆

二兩當歸半

人參

一兩

苦參

三錢

百藥煎

三錢

大麻子

二兩

杏仁

川芎

香白芷

草烏

官桂

甘草

花椒

去目

大黃

黃蓮

川山甲

兩頭尖

各三錢

右木鱉子以下十九味俱剉粗片

黃丹

一斤半用水飛焙過

阿魏

三錢

松香

二兩

木香

乳香

沉香

丁香

各三錢

麝香

一錢

沒藥

三錢

血竭

三錢

右木香以下七味俱為細末

右先將清油入鍋內滾下槐柳枝熬焦取出下血

餘熬枯取出下木鱉子等十九味熬焦取出將

藥鍋取下令溫冷用生絹濾去渣淨的將油再

下鍋火熬滾下黃丹用柳枝不住手攪此時用

慢火細熬滴水成珠不散是驗為度可時下
阿魏松香二味攪勻急將鍋取下令冷時滅火
性乃下木香等七味細末攪勻却用凉水一桶
將藥投下水中着手拔扯數次取出用磁盆一
箇放藥于內一日換水浸至七日七夜方用磁
罐盛之若用以滾水中化開量瘡腫大小裁厚
綿紙攤或青布攤貼瘡上其効如神無淑之人
不可傳也此方有回生之妙

○秃瘡

韶粉一兩

烏龍尾

五錢煨存性

松香一兩

右為細末用清油稠調剃頭後厚敷即愈

○臙瘡

周蕙方

乳香

沒藥

龍骨

各二錢

蜜陀僧

二錢

海蝶蛸

一錢五分

肥皂子

煨存性五枚

各為末用綿紙

雙重以針刺亂孔清油濕紙夾藥在內再用鷺
翎蘸油掃藥濕透縛貼隔日一番兩面貼之

○疥瘡

水銀五錢

花椒

焙乾一兩

硫黃

一兩

蛇床子一兩

枯礬一兩

韶腦

五錢

蜜陀僧

一兩

右為細末再用大楓子肉一兩研成膏同前藥研
勻相油調搽

○又方亦治癬瘡取野大黃根洗淨切爛用好醞醋
浸一夜爪破瘡以前醋塗數次即愈

貧窮通用

按本草云山查子能理脾胃消化飲食山梔子能補
陰下氣降妄火且能開鬱車前子能滋腎水通利小
便炒過能壯陽補精髓久服令人生子是皆至賤之
藥在在在之而能醫至貴之病世有貧窮之人有病
不能求藥束手待死深可矜憫今以隨處所有此
藥詳其製造俾貧民之有病者得採而製服之庶不
致於危殆也

○理脾散○治腹脹食不化時發熱

山查子肉即糖毬子七八月山野之間皆有取
來剖去核取肉蒸過晒乾收起為末

每用五錢米湯下一日吃三次或米糊為丸每
用白湯送一百丸一日吃兩次腹痞自消飲食
自進脾胃健旺久服効

○清熱解鬱湯○治發煩熱惡寒諸病并吐血衄血

小便赤大便難

山梔仁連殼研碎半黑為度炒後覆地上一時出火毒

每用五錢水一碗姜一片煎八分去渣溫服百病

自除

○疏導滋陰散○治小便短兼下部虧損

車前子路傍取回晒乾炒過研碎

每用三錢姜一片煎湯去渣空心溫服大能補益

○長春湯○治瘦弱者

側柏葉向東採嫩者回家陰乾畧炒研為極細末

每日用二錢白湯調下或病久羸弱卧床者與山

查肉二味各二錢煎湯去渣溫服能起久病人

○治痢疾便方○赤白皆屬熱不可謂赤熱而白寒

但赤自小腸血分白自大腸氣分而來耳

連根葉子車前草一大把水洗淨用姜二片無

姜亦可水二碗濃煎一碗去渣空心溫服下次

新取一大把再煎調炒山梔子細末三錢空心

溫服効

○一品丸○治風熱上攻目昏眩及療偏正頭疼
用大香附子去毛皮水煮一時久細切焙乾為
細末煉蜜為丸如彈子大每服一九水一盞煎
至八分通口服婦人用醋湯煎服

○治壁虱○藜蘆百合石菖蒲華撥川椒鬼面烏礮
末將來摻床薦蟻虫蚤虱盡皆除

○又方○龜板燒之即絕加雄黃燒

○辟蚊○六月蚕沙夜明沙浮萍更加苦練花每到
黃昏燒一炷蚊虫飛過別人家

○又方

木鱉

川芎

雄黃

樟腦

各等分

右為末燒薰

蠟丸說

彭用光曰此有數方廣人多製造蠟丸貨賣治病士
大夫多用之以克土儀然此有宜用者有不宜用
者有宜小兒者有宜大人者不可輕服且貴重香
竄之藥多能散真氣務必對症斯能取效然用光
每見病人悞服禍不旋踵故特分辯於各方之下

以便於用者之宜否也

○牛黃清心丸○治中風言語蹇澁神思昏憤怔忡

健忘顛狂等症

肉桂

錢半

牛黃

二錢

射香肉

一兩

片腦

俱另研

羚羊角

一兩

人參

錢二兩五

白茯苓

錢一兩一

芎藭

錢一兩二

防風

錢一兩二

阿膠

錢一兩七

乾姜

半錢

白朮

錢一兩五

雄黃

另研

犀角

二兩

白芍藥

錢一兩

柴胡

半兩二

甘草

五錢

山藥

紅皮炒

麥門冬

去心

錢一

桔梗

錢一兩二

杏仁

半兩一

黃芩

錢一兩

神麩

錢二兩五

白蘇

錢七

蒲黃

錢二兩五

大豆黃卷

錢一兩七

當歸

酒洗

大棗

去皮蒸搗膏

金箔一千二百片藥末重計四十八兩五錢該

入熟蜜七十二兩用生蜜六斤藥一兩分作

十九丸用黃蠟包裹收候用開取以姜湯化開服

各藥各為末秤淨後合和一處研勻同棗膏

煉蜜為丸金箔為衣蠟包

○蘇合香丸○治中風暴不知人事及擦牙小兒搐風昏迷量小大服之皆効此雙料

蘇合油二片腦另二兩研乳香一兩丁香

沉香 檀香 木香 白朮去芦

柯肉去核犀角 射香肉 香 附米童便製

葦撥 安息香 硃砂各四兩

右藥末共二十七兩入煉熟蜜四十一兩用蠟包

裹凡用姜湯化下藥每兩作九丸凡

○抱龍丸○專治小兒傷風瘟疫身熱昏睡氣籠風

熱痰實壅嗽又治驚風潮搐及蠱毒中暑沐浴

後並可服壯實小兒宜時與服之則免痰熱驚

悸之證大人有前病者亦宜倍服之

雄黃二錢半辰砂別研五錢天竺黃一兩

天南星炒為末臘月納牛膽中陰乾百日取并

然不及射香半兩別研恐大

右為末煑甘草膏丸如皂子入溫水化下百日兒

每丸分作三服一歲兒半丸五歲兒二丸童男

二五丸室女白帶伏暑用鹽少許細嚼一二丸
新汲水送下臘月用雪水煮甘草和丸尤佳一
法用漿水或新汲水浸南星三日煮三五沸去
皮取白肉切焙炒黃色為末每八兩以甘草二
兩半拍破用水二碗慢火煎至半碗去粗旋旋
洒入南星末徐徐研之合甘草水盡入餘藥為
丸蠟包裹如上法取用

○琥珀抱龍丸○治小兒鎮驚寧神退心熱夜啼化
痰止咳大人有前病者亦宜倍用之

琥珀 天竺黃 檀香 人參去芦

白茯苓各一兩五錢去皮 粉草 三兩 枳殼炒

枳實各一兩炒 山藥十兩炒 硃砂 五兩 牛膽星 一兩

珍珠 五錢 牛黃 一錢 金箔三百片為衣

右為末藥味計重二十九兩一錢計入熟蜜四十
三兩正用生蜜三斤十一兩淨若用蠟包裹如

上法取用

○大神効活絡丹○治風濕諸痺筋骨疼痛清心明
目寬胞益血養氣煖膝腰疼痛口眼喎斜行步

艱辛筋脉拘攣年四十以上每服一九至老不生風疾大有神効潜谿曰若悞服者如油入麵不得出慎之慎之

白花蛇二兩酒浸焙乾烏梢蛇半兩酒浸焙乾麻黃二兩去節

細辛一兩去土全蝎一兩半去毒炒兩頭尖二兩酒浸

赤芍藥一兩貫芎二兩防風二兩半去芦

葛根一兩半沒藥一兩另研血竭七錢半另研

硃砂一兩另研烏犀屑半兩地龍半兩去土

甘草二兩去皮炙丁香一兩去枝白姜蚕炒一兩

乳香一兩另研麝香半兩另研片腦一錢半另研

官桂二兩去粗皮草豆蔻二兩去皮川羌活二兩

虎脰骨一兩酥炙玄參一兩牛黃二錢半另研

威靈仙一兩半酒浸去芦天麻二兩藿香二兩去土

天竺黃一兩敗龜板一兩酥炙人參一兩去芦

何首烏二兩白芷二兩烏藥一兩

安息香一兩青皮一兩醋炒黑附子一兩炮去皮臍

香附一兩童便製炒白豆蔻一兩骨碎補一兩

黃蓮二兩茯苓一兩去皮黃芩二兩

曲豆二章編卷二
一百一

白木

一兩 去芦

熟地黄

酒洗 二兩

松香脂

半兩

大黃

酒洗 二兩

當歸

半兩

木香

二兩

沉香

一兩

金箔

為衣

右各味各碾秤淨末後合和一處煉蜜為丸如彈

子大每服一九細嚼温酒茶清嗽下隨證上下

服之頭風播茶下如用蠟包裹如上法

已上五丸方詳明註於其下凡用切不可輕恐悞

為患不小

瘴氣解

彭用光曰凡仕宦携家小初入廣地水土不服者

能戒去煎物及油炒醬燂鷄鴨麵食與夫生冷燒

酒之類若感其嵐瘴之毒或惡寒發熱類瘧之病

必輕須服解毒柴苓湯可隨手作効

柴胡黃芩各二錢 陳皮半

夏各一錢 猪苓澤瀉白朮各五分 茯苓一錢 黃連

甘草各四分 水二鍾 姜三片 煎服渣再煎或三五

貼或四五貼即安 仍戒飲食一七日 若過食煎燂醬麵已上厚味則

病必重宜用承氣湯兼三黃竹葉石膏湯斯能去

其實一錢 厚朴二錢 大黃三錢 枳實二錢 石膏五錢 知母一錢 黃連

黃芩黃柏各七分 山桅仁一錢 甘草五分 竹葉七皮白水煎空心服通利三五次以白稀粥

補亦有熟深二服方能
通利者在臨時消息之
否則病重日久惟痺熱口
渴以致危殆醫不知此反用補藥遂致夭枉實為
可矜若士夫君子能戒慎無每晨迴避瘴氣必待
日光先飲食之然後出外此則能免諸病也北人
多好前燻至廣地熱不知避忌習俗不改貪食熟
味婢僕尤甚所以凡染瘴病極甚危殆此則不諳
風土縱口腹之慾以自取之書此以為處瘴鄉者
之戒

潛谿曰凡瘴夏末秋初大熱發春冬少○飢餓在

其地者發○弱人飲食過飽者發○飲酒過多者
發○犯色慾者發○秋夏食鴨肉者發○食時新
菜果筍蕨之類者發○早行足沾露水者發○路
上步行過紅土水者發○經其地遇雨者發慎備
雨具
○半夜失蓋受寒者發熱天
難防○食糯米飯又食鮓
或飲冷水者發○歇卧處有穢氣臭多者發○食
甘蔗柑子及飲樹頭酒者發○平日有舊病腹中
有草藥又服君臣藥者不治○犯色慾又飲燒酒
者不治○春秋時月人感山嵐瘴霧毒氣發寒熱

胞膈飽悶不思飲食此毒氣從鼻口入內也治當清上焦解內毒行氣降痰不宜發汗○凡人感冒山嵐煙霧蛇虺毒氣其症惡寒戰慄發作頭疼休作無時仲夏得者為炎瘴為青草瘴孟秋得者為黃茅瘴為楸頭瘴或因飢飽或由虛怯或涉溪澗或衝煙霧者謂之黑脚瘴蝦蟆瘴瘧瘴所感不同方亦異用○平日不喜酒色調節飲食又知以上避忌夜卧潔淨不臭穢氣雖犯瘴月分病不能侵大段此病只是乘虛而入不可不知○經商客旅

亦當知戒○凡鷄魚鶩鴨諸肉及麵皆不宜用油

煎醬燻此等大能發瘴生病

○治瘴用好新桃仁二升煮去皮尖好阿魏二兩老

酒一升同煮酒盡焙乾於絹袋內盛如入煙瘴之

地即每日空心爛嚼七枚酒下極妙貧不能具用生薑口含嚼

○治瘧瘴秋頭等瘴用蜀漆半斤槌柳三兩五錢為

細末麵糊丸如梧桐子大每服四十五丸臨卧冷

水或酒任下先卧三十九至鷄鳴時再服十五丸

取其吐瀉如不吐瀉以鷄翎於口中探引即吐若

病重服之不吐再用蜀漆三錢搗為末烏梅三箇
用水一盞煎至七分露至二更調蜀漆末服推動
前藥吐之後若痢疾用萬兩金為細末滾水調露
一宿再溫服忌生冷油膩麵葷腥之物若瘡疾臨
發日早服之

蜀漆即常山莖葉
萬兩金地榆也

○治挾嵐瘴溪源蒸毒之氣其狀血乘上焦病欲來
時令人迷困甚則發燥狂妄亦有啞不能言者皆
由敗血瘀心毒涎聚於脾經所致用柴胡半夏甘
草黃芩人參大黃枳殼等分咬咀每服五錢姜棗

煎空心服啞瘴食後服 潛谿方用山梔仁炒一

錢陳皮炒五分水一鍾煎服此却瘴之法也

○治瘴瘡大熱煩燥用生地龍三條研為末入生薑
汁薄荷汁生蜜各少許新汲水調下

○治瘴毒用故草鞋底去兩頭燒作灰井花水服之
又方用犀角尖羚羊角磨水服之

○又方用扁豆花嫩葉搗爛熱酒服粗塗腦前後効
○治瘴氣不時發用知母貝母常山枳榔各等分咬
咀大人每服六錢小兒三錢水煎三次用絹蓋露

一宿微温空心服永不再發莫令婦人鷄犬見之
○治瘴瘧用丹砂雄黃各一兩並研細水飛過令乾
鬼臼半兩為末阿魏一兩用酒半升熬成膏再研
勻以阿魏膏丸如鷄頭大緋絹袋貯十九丸常執手
中頻嗅其氣瘴瘧不能著人如遇已病者并花水
嚼下三九五丸即瘥

○治山嵐瘴氣并發瘧者經驗神効用草果一箇去
皮常山長一寸破作四塊用好酒一椀熬過入常
山草果在酒內泡過一夜發日早五更令患人望

東空心飲盡酒煖蓋睡至酒醒已愈矣所用酒看
人量多少用之無不立効

○又一方治蠱瘴諸病用一枝箭草藥名雲南產者
二錢為末酒調下

解蠱毒說

潜谿曰蠱毒試法嚼生黃豆不覺腥者蠱豆皮脫爛
者蠱噲白礬味甘不澁者蠱○凡中蠱毒不論年
月遠近煮鷄卵去殼以小銀釵一隻插其中併含
入口飯頃取視釵卵俱黑者是○若於人家飲食

即以犀角攪之白沫泛起則有毒。凡中毒用敗鼓皮燒為末服方寸匕。病人當自呼蠱主姓名可令解之。唾津液水椀中沉是蠱浮非蠱。凡中毒其証面目青黃力乏身痛唇口乾燥煩燥迷悶胞膈脹滿腹中切痛如虫齧又如虫行唾吐鮮紅小便淋瀝大便濃血雜下病人所食之物皆變化成虫侵食腑臟食盡則死矣。死則病氣流注復染著於傍人是謂之蠱毒。蠱乃聚毒虫於器所成故字從虫從皿中之者不即死或經數月或一二

年始發彼亦有解法。方其用時不但食物中或置屋梁或染樹葉俟人於下飲食有珠絲飛下者所食物最為難防野食者以傘障之可也。凡在人家庭飲食將舉筋先云汝家莫有蠱否仍取盤尖上一鬻置于桌上已而懷歸投廁中則不能傷。又法從右入門舉眼從左直上數屋椽一遍或以脚踏門檻三下則吉。凡入蠱家默誦呪七遍則其術不行呪曰姑蘇琢磨耶琢吾知蠱毒生四角父是窮窟窮母是含耶女眷屬百千萬吾今悉知汝

摩訶薩摩訶。防蠱用預知子帶衣領中遇蠱則有聲亦能療蠱毒。既知中毒急以石播皮煎汁飲之吐出活物立愈。

○治蠱毒十二水腹滿急痛除積聚利大小腸用綿大戟生在向陽處者各月取根陰乾削去皮為末糊丸如梧桐子大每服二十九丸力壯者三十九丸或為末每服三分力壯者五分俱空心用白湯送下良久腹中刺痛其蠱毒之物自然下利待不痛方用溫粥補之調養五六日胃氣稍平仍舊再煎一

服調攝如前中蠱淺者一二服愈深者六七服亦除病根蠱毒試驗不真不可輕服恐泄元氣或用合成千金錠子尤妙蓋內有紅牙大戟也。

○千金錠子 此方兼治瘴氣百病百般瘡毒皆能取効

五倍子

去內虫

續隨子

即千金子壓去油一兩另研

山茨姑

二兩

紅牙大戟

一兩射香當門子二錢另研

硃砂

二錢

雄黃

二錢

右用糯米粥為丸搗千下印成錠子四十箇端午

日或七月七日合為妙凡用凉水磨服半錠及搽患瘡上治一切藥毒蟲毒瘡氣瘡疾及自縊溺死驚死未經宿心頭溫者磨水灌入即甦中風百病熱酒服小兒蜜水磨服

○辟蠱用葶藶果俗名地栗須用江南所產大者切晒為末常隨身每以白湯調二錢七傳聞下蠱之家知有此物便不敢使其術矣

○治蠱毒下血日數行者用升麻末三錢溪水調服良煎濃汁飲之亦可

○治蠱毒及宿食痰涎霍亂等症用極鹹鹽湯三升熱飲一升探口令吐宿食使盡不吐更服吐訖飲二吐乃止此法大勝諸治俗人以為淺近而不用守死而已凡有此病即須用之立効

○治百蠱不愈用白鷄鴨血灌口中良

○吐蠱用五倍子二兩硫黃一錢甘草三寸一半炮去火毒一半生用丁香木香射香各十文輕粉三文糯米二十粒共八味入小砂瓶內水十分煎取至七分候藥高皺為熟生細絹濾去滓通口服病

人平正仰卧令頭高閣覺腹間有衝心者三即不
得動若吐出田田盛之如魚鱗之類乃是惡物吐
罷飲茶一盞無妨旋煮白粥補忌生冷油膩
醬醋十日後服加毒丸三兩服又經旬日平復○
獨行根煮汁服亦吐蠱毒

○解毒丸用豆豉七粒巴豆去殼兩粒二味入百草
霜一處研細滴水丸如綠豆大以香茅香茅即
香薷湯
吞下七丸

○去蠱毒用連翹黃服之良又用馬兜鈴根或苗煎
服得吐而愈

○殺三尺寸白虫逐蠱毒氣用乾漆炒盡烟用酒服
之

○解諸藥毒殺小虫寸白虫用山豆根口中嚙嚙唾
煎湯服亦可兼治喉閉

○治中惡腹痛蠱毒注忤鬼氣猫犬百病用烏藥咬
咀煎服

○治諸毒用升麻不拘多少濃煎汁飲之

○又方用葛粉水調服無粉生葛搗汁亦妙

○又方用甘草長七寸四十九根廁坑中浸四十九日淨洗為末蜜丸瓶放遇中毒時口中噙化即解
○又方用白扁豆為末新汲水下二三錢頓服得利即安

○又方用菜豆研為末新汲水調服豆粉亦可

解諸毒并救急嘗驗易方

潜谿曰解砒霜毒此毒於肉飯中得之者則易治飲酒中得之者則散歸百脉難治若在胸膈作楚可吐在腹中可下急服藥得吐泄則愈

○又方用醞醋多飲之吐泄即解不可飲水

○又方用生麻油一大盞灌之立愈人糞汁或用大糞灌之皆効

○救自縊死凡救自縊死者極須按定其心勿截繩徐徐抱解之心下尚溫者以氈能覆口鼻兩人吹其兩耳立活

○又方灸四肢大節陷大指本文穴名曰地神各灸七壯

○又方刺鷄冠血滴口中即活男雌女雄

○救落水死者以窻中灰布地令厚五寸以甌側著
灰上令死人伏於甌上使頭小垂下抄鹽二方寸
七內竹管中吹下孔中即當吐水水下因去甌下
死人着灰中壅身使出鼻口即活

○又方綿裹皂角末內下部中須臾水出即活

○又方綿裹石灰內下部中水出盡則活

○又方屈兩脚着在生人兩肩上死人着生人背即
負持走吐出水便活

○又方灸臍中數十壯經宿者猶可活

○解巴豆毒黃蓮煮汁服之良

○解天雄烏附毒用大小黑豆濃煎汁飲之

○又方用飴糖汁服之

○解鈎吻是草毒煮桂汁飲之

○解大戟毒用菖蒲搗汁服之

○解合口椒毒取新汲水飲之

○解雄黃毒用防已煎湯解之

○解斑猫毒用澤蘭葉搗汁飲之

○解藜苒毒用葱煮汁服之良

○解鶴鳥毒即孔雀毛并膽也用乾葛三兩為末水調頓服良

○解飲食毒未審是何毒解用薺菜甘草生用各一兩細剉以水五盞同煎取二盞停冷去滓服入口便活

○解六畜肉毒用犀角磨濃水服一碗良

○又方用水調壁土黃土或龜底土服之立解

○解食羊肉毒用甘草煮汁一二碗飲之

○解食自死六畜毒用黃栢木服一二錢不解再服

○解食魚毒用陳皮煮濃湯極冷飲之立驗

○解食鵝鴨中毒方以糯米甘温服二盞即消

○解食鱧魚中毒可食蟬即解之

○解食鱧蟹青蛙等毒用生豆豉一大合新汲水半

碗浸令豉濃頓服之即瘥

○解河豚魚毒一時困急急以清油多灌之吐盡毒物方愈

○解虎咬傷先吃清油一碗次用油洗瘡口良

○又方急服自然生姜汁

○又方用白礬研末敷傷處

○治虎咬傷用砂糖水調塗仍服砂糖水一二碗

○治風犬咬傷防風五錢牽牛炒大黃各三錢班貓米炒一錢射香三分雄黃三錢為末每服三錢溫

滾水調不拘時遇傷即調服利下惡物小便中出

○治顛犬咬兼治常犬傷用真虎脰骨或腦骨研末二錢熱酒或白湯任下

○又方用白礬為末摻瘡口再用班貓九箇畧炒過研末酒調下小便中利下惡物即愈

○治馬咬及踏人傷用艾灸瘡上并腫處又用人屎或馬屎燒灰為末皆可敷

○治蛇咬傷急飲好醋一二碗令毒氣不隨血走或清油一二盞亦可然後用藥

○治蜈蚣咬傷用鷄屎塗之良

○治蜘蛛傷以醋磨炷鐵汁及桑白皮汁傳之亦治蜈蚣毒

○治黃蜂螫用熱油洗之清油擦之亦可

○治蝎螫痛不可忍用白礬半夏等分為末醋調貼

痛止

○治蚯蚓咬以鷄屎傅之

○又方急煎鹽湯浸洗腫處即消

○治百虫入耳用韭汁和醋灌之

○又方清油灌之立出

○治溪毒射工搗蒼耳汁服一升良

○治誤飲蛇交水研雄黃服

○治溪毒兼辟射工夏月出行取知母為末自隨欲入水先取少許投上流亦服之

○治毒矢所傷搗藍汁一升飲之并傅瘡上若無藍

取青布漬攪汁飲之并淋瘡口中

○又方內鹽臍中灸之

○治箭頭不出煎地黃汁或作丸服之

○治箭鏃不出或肉中有聚血取婦人月經布燒作

灰入酒飲之

○又方用象牙屑敷患處或磨汁傅之矢即出

○治箭鏃入骨不可拔者用巴豆半粒羗螂一箇去

翅足殼同微炒研勻塗傷處所須痛定必微痒且

忍之候不可忍便撼動按之立出以黃蓮貫仲溫湯洗之仍用牛膽製風化灰傅之

○治金瘡破腹腸突出取人屎乾之為粉傅之腸即入矣

○治金瘡血出不止用柳絮封之良

○又方搗車前草傅之血即絕連根取用立効或飲人屎三升愈

○治金瘡腹中瘀血用牡丹皮為散水服三指撮立尿出血

○治金瘡苦刺百治不瘥者用葱一把以水三升煮數服清洗瘡止痛良

○治棒杖刀斧傷疼痛不可忍者用防風去蘆南星湯洗剉散每服三錢水酒各半盞生姜搥碎同煎通口服甚者不過三服立効

○治刀傷五月五日採百草和礦石灰入甘草末少許假如百草石灰共四兩甘草末五錢共搗成餅陰乾但遇刀傷碾為末即摻按上血即止傷口即好不潰

○治無名腫毒凡覺腫起者用獨辦大蒜切如錢覆腫處上用艾灸不拘壯數不痛灸至痛若痛灸至不痛効

○治嘔吐日夜不止神効用生半夏五錢搗碎生姜五六片水一碗濃煎湯熱服三五次

○治諸腫毒以馬齒莧水煮冷服一升及塗瘡上効
○治疔瘡腫危急欲死搗菊花葉敷上即醒冬月無花用菊根

○治疔瘡及無名腫毒用樟木虫即人家竈上出者

不拘多少研爛貼之少時疔出毒散即消如神効

○治乳癰用生瓜菜又一箇當歸二錢半甘草節二錢半共搗如泥用酒三碗煮至二碗調乳香沒藥各七分溫服渣敷瘡上如此七次

○治穿掌毒以新桑葉搗爛包盒上即愈

○治毒瘡生於手指亦腫堅硬徹骨疼痛不可忍者用乳香少許泥蜂窠尚壁間採之共為末釀醋調塗乾則以醋潤

○治詐腮腫毒用防風荆芥連翹牛蒡子羌活甘草

各等分為粗末水首三兩服毒散後方可塗藥恐
毒氣入喉難治赤小豆末醋調敷

○治便毒以生姜一大塊米醋磨取千步峯泥敷之
即消千步峯條人行地上行日久其皮突起者是
○治打破頭開不合用鱧膠燒灰三錢調酒服之
即合

○治頭不生髮用生半云又為末麻油調搽先用生姜
擦三次

又方用生鯽魚全燒灰油細辛末同調擦即生

○治丹毒入四肢者易治入腹者難治用生
松葉豆葉豆豉大黃梔子黃芩不拘得一味
水和貼之即瘥

○治跌打損急卒便易方用童便一甌酒一甌相對
溫服如此一日吃三次安愈極速

○治卒死無脉者用灸熨斗熨兩脇下即瘥或灸鼻
下人中穴亦治尸厥

陰騭論

彭用光嘗聞諸司馬溫公之訓曰積陰德於冥冥之

中以為子孫長久之計愚嘗服膺而弗能深自愧省
之無已况先哲有曰古來醫道通仙道半積陰功半
養身似此則為醫者當恭誠盡敬切脉用藥不可忽
畧務合經義以脉之虛實辯症之寒熱論病之久新
因人之厚薄順時之寒暄君臣佐使務得其宜則用
藥必効切不可貧富而兩施救人於危迫之頃不可
計利而遲悞下藥致人性命夭枉雖途人乞丐之求
藥者亦必詳問細察與對症之藥必如醫自己父母
之心則可以保全人命否則天地鬼神陰必鑒臨此
不欺即為醫者之陰騭也若貴人富室王公上卿
能行方便陰騭則活救天下四海萬萬蒼生豈醫家
一掬之小康可比然原仁心則一也所有應時諸方
通治於人有効者富貴之家能修合數料施捨貧民
客商路途往來人等服之得病痊愈亦陰騭也

○陰騭丸散

瘧疾方

瘧方通用
兩廣尤效

柴胡

錢五
黃芩半二錢

陳皮八分
半夏一錢

茯苓一錢

猪苓

錢一
澤瀉一錢

白朮

錢一
藿香分七

甘草

分七

右作一服用水一碗半生姜三片煎八分溫服煎渣口渴加石膏天花粉各二錢惡寒加桂五分惡熱加黃連乾葛各一錢輕者一二服重者三五服必効

痢疾方

陳枳殼去穢炒一錢黃連姜汁炒一錢黃芩半錢升麻一錢
白芍藥三錢滑石末二錢柴胡 陳皮 山梔仁炒
茯苓各一錢甘草五分白朮七分紅多加地榆生地
黃白多加半夏黃芩白朮初起加大黃煨二錢

口渴加天花粉乾葛熱加柴胡升麻

右作一服水一鍾姜三片燈心一百寸煎空心服

○萬應膏○治一切瘋氣寒濕手足拘攣骨節酸疼男子痞積女人血瘕及腰疼脇疼諸般疼痛結核轉筋頑癬頑瘡積年不愈腫毒初發楊梅腫塊未破者俱貼患處肚腹疼痛瀉痢瘡疾俱貼臍上痢白而寒者尤効咳嗽哮喘受寒惡心胞膈脹悶婦人男子面色痿黃脾胃等症及心疼俱貼前心負重傷力渾身拘痛者貼後心與腰眼諸疝小腸氣

等証貼臍下治無不効

木香 川芎 牛膝 羌活 細辛 白芷

秦艽 當歸 枳殼 獨活 防風 大楓子

羌活 黃芩 南星 草薢 半夏 蒼朮

貝母 赤芍 杏仁 白欵 茅香 西頭尖

艾葉 連翹 川烏 薑節 肉桂 良姜

續斷 威靈 荊芥 藁本 丁香 金銀花

藿香 紅花 青嵐藤 烏藥 蘇木 玄參

白蘞 姜蚕 草烏 桃仁 五加皮 山柰

牙皂 苦參 川山甲 五倍子 降真節 骨碎補

蒼耳頭 蟬蛻 蜂房 鱉甲 全蝎 麻黃

白芨已上各一兩 大黃二兩 蜈蚣二十條 蛇蛻三條

桃枝 柳枝 榆枝 槐枝 桑枝 練枝

楮枝各一寸

右切為粗片用真麻油一十二觔浸藥在內夏浸

三宿春五宿秋七宿冬十宿方煎以藥枯油黑

為度用麻布一片濾去渣貯磁器內另以片子

松香不拘多少先下淨鍋鎔化後方加藥油量

香二觔用油四兩試水軟硬仍濾入水缸中令人抽扯色如黃金即成膏矣每製一料計膏十七觔約用銀八九錢量攤中大膏藥一萬有餘可濟人五千之數所費者少所濟者衆富者固不俟言少有力之家亦可製此貧者又可以資身誠妙方也此膏嘗施數萬人無一不効蓋不止於百試百驗耳

○萬病遇仙丹○木香栴榔丸○三黃枳朮丸三方見上皆能清熱理脾驅逐諸等熱病照前製造合丸施

濟貧民實莫大陰隲若兩廣之地多濕多熱治病必兼用蒼白二朮去濕苓蓮解熱去毒別省施治不在此例以上應時丸散等方廼用光因病酌量增減屢試有驗者既便於士夫之日用又利於民庶之去疾請信而試之決不誤也

體仁彙編試効要方卷之六終

體仁彙編後序

大司馬中丞半洲蔡公刻體仁
彙編成凡五卷居敬得而讀之
見其為說咸稱引內經脉訣王
叔和李東垣諸書摘其精要剴
明為人所易知見者信醫家總

會輯之者寔廬陵彭氏用光也
廼慕而嘆者久之曰嗟乎半洲
公探賸覽玄弗自秘以公諸人
且不沒彭氏之善思以惠天下
無窮公之仁心誠篤矣易稱體
仁長人此固其一端云比徐而
窮其旨要大端論脉法為詳委
而盡其言貴賤富貧壽夭泊心
術隱微病證變換萬狀皆形見
於脉按其弦長洪縮清濁伸引
茂窮已蓋今之言太素者莫能
尚之又益知人之窮通脩短固

稟諸天一定而不可移易君子
順受已耳且嘗試扣彭氏所稱
薦紳大夫禍福亦多如所言言
輒應與是編相符合非徒紙上
陳言不能施用者比然則人之
欲自願精真順時却病與醫家

邈流窮源不拘執古方而能有
功者捨是奚觀焉或曰君子之
存為順事沒為寧而有遷避迎
將為得邪曰洪範論五事亦有
咎徵休徵人之身固範諸陰陽
五行者也敬脩則吉從逆則否

居易以俟守經不回固行仁而
有終者庸何疑于斯言是編也
校刻則按察使蕭君晚也董厥
成為程同知鐸而新守陳子錠
至與有勞焉

嘉靖甲辰冬十二月吉

賜進士出身中順大夫廣東提刑
按察司副使前翰林庶吉士南
平游居敬撰

題體仁彙編後

鵬嘗仕遊嶺服侍大司馬半洲
公於軍門當是時彭用光以醫
從事幕下見其善切脉察九竅
之變九藏之動參而兩之言人
疾病吉凶貴賤壽夭若神以故

縉紳先生多與之遊大司馬為
刻體仁編嘉惠海內鵬得之每
挾之行笥以便觀肄乃今獲侍
撫臺傳公於江右用光亦偶至
公需是編覽之竒焉使用光增
定考輯入之梓夫合生氣之和

道五常之行使疾疢不作而無
妖祥移風易俗天下皆寧非先
王所以致治者乎方今

主上圖惟化理凡喙息蠕動之微
莫不稟仰太和沐浴玄澤而撫
綏疆甸若我公者殫厥心力以

經理乎其外濯痍煦寒期措斯
民於生養安全之地又以民之
疾病者未治為憂將刻是編以
傳此誠財成贊化之大端也聞
之仁者以天地萬物為一體故
必有天地萬物一體之心而後
有是政而後能仁覆天下鵬於
是有以見公之心度越人遠甚
以是心而致之政古今聖哲所
以求治者不外乎此豈惟江以
西之民賴之敬書之末簡

嘉靖己酉正月望江西布政使

司右布政使秀水吳鵬書

享和二年壬戌小春初七日于挿架

廉夫記

予嚮者購此書無幾而為人借失惋惜不輟偶然得之
真可欣喜也廉夫又記

